


84  
К 93

А. Куприн,  
К. Паустовский

НАСТАРИН

# БУТАСИ



Kitob shu yerda ko'rsatilgan muddatdan  
kechiktirilmagan holda topshirilishi shart

Ilgarigi berilmalar miqdori \_\_\_\_\_

--	--

Александр Куприн  
Константин Паустовский

## НАСТАРИН БУТАСИ

## *Ҳикоялар*



Фафур Ўулом номидаги нашриёт-матбаа ижодий уйи  
Тошкент-2018

УЎК 821.161.1-32 ✓

КБК 84(2Рус)

К 93 ✓

Таржимон:  
Дилором Муротова

**Куприн, Александр.**

Наастарин бутаси [Матн]: хикоялар / А.Куприн, К.Паустовский. – Тошкент: Гафур Гулом номидаги нашриёт-матбаа ижодий уйи, 2018. – 100 б.

Ушбу китобга улуғ рус ёзувчилари Александр Куприн ва Константин Паустовский хикоялари жамланган. Хикоялардаги соддалик, самимилик, каҳрамонлар ички олами ва рус ҳаёт тарзининг маҳорат билан чизилиши эътиборни тортади. Ҳаёт ва одамлар ўртасидаги муносабатлар яққол тасвиранганди.

Хикоялар таржимон Дилором Муротова томонидан ўзбек тилига ўгиралган

УЎК 821.161.1-32  
КБК 84(2Рус)

© Гафур Гулом номидаги  
нашриёт-матбаа ижодий  
уйи, 2018

ISBN 978-9943-5294-4-1

Александр Куприн

## МИННАТЛИ НОН

Судланувчи, сизга қонунга биноан сўнг сўз берилди, – деди, толиккан кўзларини аранг очиб, локайд бир оҳангда суд раиси, – ўз килмишингизга ойдинлик киритиш ёки ўзингизни оклаш учун яна нималарни кўшимча килоласиз?

Айбланувчи бу мурожаатдан сўнг бехосдан ўрнидан сапчиб турди ва асабийлашган бир ҳолатда ингичка, узун бармоклари билан судланувчи курсисини тўсиб турган панжарани маҳкам ушлаб олди. У хадиксираб, кўзларида акс этган кўркувни яширишга ҳаракат килаётган кўримсизгина, озғин киши эди. Оқ оралаб қолган сийрак соч, соқоли ва оппок киприги бўздек окарған рангини камконлик касалита чалинган bemордай янада хастаҳол килиб кўйган эди... У ўзининг узок қариндоши бўлган граф Венцепольскийнинг уйида яшаб туриб, 23 январдан 24 январга ўтар кечаси олдиндан ўйланган режа асосида унинг хонадонига қасддан ўт кўйганликда айбламоқда эди. Тиббий экспертиза айбланувчи нинг аклий ва руҳий соғломлигини ўрганиб, нормал ҳолда эканлигини маълум килган. Холосага эса унинг асаб тизимидағи баъзи ўзгаришлар, яъни ички ҳиссиётларини тутиб туриш ҳолатининг заифлиги, кутилмагандек кўз ёш килишга мойиллиги борлиги каби жиҳатлар қайд этилган эди.

Айбланувчи шу пайтгача давом этаётган айблов ишининг мухокамасига аралашолмай, бепарво, худди бу жараёнда иштирок ҳам этмаётгандек жим ўтирган

эди. Ўта расмий олиб борилаётган суд йиғилишидаги дабдабали вазият, судьяларнинг ўзига хос лиbosлари, устига тилла сув юритилган ипдан тайёрланган попукли, қалин қизил мовут тортилган суд столининг кўриниши, иссиқ, икки хил рангда тантанавор безатилган кенг зал ва унинг деворларига осиб қўйилган маҳобатли портретлар, суд залига йиғилганларнинг маҳсус тўсиқ орқасини тўлдириб ўтиришлари, назоратчи нозирлар, киборли суд маслаҳатчилари, совуқкон прокурорнинг салобати, адвокатнинг эса масалага нисбатан қилаётган бемаъни хулосаси айбланувчини янада эсанкиратиб қўйган эди. Унинг наздида у кандайдир баҳайбат, қўрқинчли машинанинг тишлари орасида қолиб кетган-у энди эса уни бир нафас бўлса-да тўхтатишга на бир инсон ва на бирор ирова кучи қодир эмасдек эди.

У ҳимояловчиси нутқ сўзлаётган пайтда бир неча бор шарт ўрнидан туриб: “Жаноб адвокат, сиз умуман бошқа нарса ҳакида гапирайпсиз. Воқеа аслида ундей бўлган эмас. Келинг, сиз менга бир нафас имкон беринг, қилган айбим тўғрисида ўзим гапириб берай”, демокчи бўлиб чоғланди, аммо айттолмади. Унга сўз бериб қолишларини ҳам кутди. Мабодо сўз берилса, шу заҳоти унинг ўзи аниқ ва тушунарли қилиб, бўлган воқеанинг барчасини, ўзининг ўша пайтдаги руҳий изтироблари, ўй-хаёллари, бошқа бирор тасаввур қилиши қийин бўлган барча ички кечинмаларигача баён қилиб бермоқчи бўлди. Лекин харакатга тушиб кетган бу беаёв машинанинг тинимсиз, бефарқ айланәётган фидиракларини тўхтатишга унинг журъати етмади.

Кутилмаганда эса, суд раисининг унга қаратса айтган гапи охирги умидсизлик ҳолатидан уйғотиб, унга ғайриоддий дадиллик баҳш этди. Шу пайт унинг ўзини тутиши ўлимга маҳкум этилган кимсанинг ўлими олди-

дан жаллод кундасига бош қўйиш ёки ўлим сиртмоғини бўйнига солишга қаршилик кўрсатиб, жазавага тушишини эслатди.

У бирдан, ялинганга ўхшаш баланд овозда:

— Ҳа, жаноби раис!.. Худо ҳаққи, мени эшитинг...  
Ҳамма нарсани ўзим гапириб, тушунтириб беришимга рухсат беринг!... — деди.

Уни тинглаган суд маслаҳатчиларининг киёфаси диққат-эътиборини унга қараттандек ўзгарди, судьялар бирин-кетин олдидаги варакларга энгашдилар, йифилганлар эса унинг нима дейишини кутиб, диққат билан жимиб қолицди. Айбланувчи сўзлай бошлади:

— Мен ўтган йилнинг бошида бу шаҳарга келганимда келажагим тўғрисида бирорта ҳам режам йўқ эди. Чунки мен бу дунёга факат омадсизлик учун келган бўлсан керак, деган фикрда эдим. Аслида ҳам шундай, ҳаётим давомида менга ҳеч қачон, ҳеч нарсада омад кулиб бокмаган. Ҳаттоқи айни пайтда ҳам қирқ ёшга кирганимга қарамай, худди ёшлигимдаги каби нотавон ва тажрибасизлигимча қолиб кетганлигимга шубҳам йўқ.

Ўшанда Граф Венцепольскийга бирор бир жой тошида ёрдам беришини сўраб мурожаат қилган эдим. У кишининг мархума онамнинг узок қариндоши эканлигини хисобга олган ҳолда ундан ёрдам сўраганман. Сахий, очик кўл, ўзгалардан муруватини аямайдиган граф эса, негадир ўша пайтда мени ҳеч каерга жойлаштира олмади, аммо, бирор кулай шароит туғилиб колгунича ўзининг уйида туриб туришимни таклиф килди. Мен унинг уйига кўчиб келдим. Аввал бошлаб у менга қандайдир эътибор кўрсаттандек бўлди. Аммо тезда унинг кўнглига урдим шекилли, борманми-йўқманми парво ҳам қилмай қўйди. Ҳаттоқи, баъзида мендан умуман хижолат ҳам бўлмасди. У менинг уйида юрганлигимга

шунчалар тез кўникдики, назаримда мени бирор бир мебелга ўхаш нимадир деб хисоблай бошлади. Айнан ўшандан бошлаб менинг ночор, аччиқ ва қайғули, сиғинди сифатида топталган ҳаётим бошланган эди. Менинг итоатгўйларча сўзлашим ва илжайиб туришдан бошқа иложим қолмаган эди.

Ўша пайтдаги азобли кечмишимни ўз танидан ўтказмаган инсон тушуна олмайди. Бехудага ўзига тўк, мағрур инсонлар тоифаси ночор, уларнинг тилида “текинхўр, сиғиндилар”нинг ҳакоратлардан йиғлаши, тахкирликлардан титраши каби ўша тобдаги заиф жиҳатларини кўриб, буларни истаганча хўрлаш, топташ мумкин, улар кўнишиб кетаверишади, деб ўйлайдилар. Аммо, ишонинг мен хеч қачон текинхўр, сиғинди эканлигимга ишора қилиб айтилган сўзларга кўниколмадим, аксинча, бундай сўзлардан жуда ёмон таъсирланганман, ўта оғир олганман. Ўша кезлар бундай муносабатлардан қалбим қанчалар топталганини билсангиз эди. Ҳар бир айтилаётган сўз, муомала қалбимни баттар эзар, яралар, худди киздирилган темир каби жизиллатиб куйдиради, таърифлашга бундан ортиқ сўз тополмайман. Аммо вакт ўтган сайин бундай хўрликлардан қутулишимга кўзим етмасди, чунки кучим етмаслигини сезардим. Мен ўзимни ўта ночор ва қўрқок эканлигимни билиб турардим. Графнинг уйидаги тўк ҳаёт ва ундаги мен тушиб қолган муҳит эса мени буткул бўшанг қилиб кўйган, иродамнинг қолганини ҳам худди занг каби кемириб, еб битирди. Баъзи пайтлар уйқуга кетишдан олдин, кундузги хўрланганилигим алам қилиб, ғазабим қайнар, шундан сўнг ўз-ўзимга: “Йўқ, бўлди етар, эртага буларнинг барчасига чек кўяман! Кетаман, графнинг сурбет, қўполликларини ўзининг бетига айтиб, кетаман. Бу каби пасткашлиқда яшагандан кўра

юпун кийимда бўлса ҳам, совукда, очликда кун кечирган афзал”, – дердим.

Аммо, мен айтган ўша “эртага” ҳам бўларди. Менинг қарорим ўз-ўзидан сўнарди. Лабимни мажбуран қийшайтириб, илжайиб кўринишга ҳаракат килардим. Ҳар кунгидек хижолатдан ўзимни ўнглай олмай, ўйлаганимдек тушлик пайтида столга кўлимни шарт кўйиб, бир оғиз лом-мим деёлмасдим. Яна ахволимнинг ўта noctor ва аянчили эканлигинан озор чекардим. Бир куни гарфга мени қаергадир жойлаштириб кўйишини ваъда қилганлигини эслатмоқчи бўлганимда, у ўзининг қоплон қарashi билан қуидаги сўзларни айтиб, каршилик билдири:

– Қаерга шошилаяпсиз азизим?.. Менинг уйимда ёмон кун кечираяпсизми?.. Ҳозирча турга тулинг-чи, кейин бир ўйлаб кўрармиз... Унинг бу жавобидан кейин мен яна жим бўлиб қолдим. Иродамни букиб, шунчалик итоаткор бўлишга мажбур эдимки, ҳатто граф менга ўзининг бирор бир эски кийимини совға қилганида, унинг кийимлари менга катта ва кенг бўлса-да, хеч қандай эътиroz билдира олмасдан кияр эдим. Бир куни графнинг уйига келган меҳмонлардан бири эгнимдаги кўйлагим “тоғаваччамники.” эканлигини эслатиб кўймокчи бўлиб, яна бири – искирт, яна бир сурбет жаноб эса муттаҳам, дегандек, баланд овозда мендан:

– Федоров, янгишмасак, сиз лиbosларингизни граф билан битта тикувчига буюртма қилсангиз керак?, дея хаҳолаб кулишди.

Уларнинг бирортаси мени ўз исми шарифим билан чақирмасди. Граф эса мени ҳар доим ўз танишларига таништиришни ёдидан чиқариб кўярди. Умуман олганда, уларнинг аксарияти граф атрофида йигилган айнан текинхўр, сифиндилардан бошка хеч ким эмас эди.

Аммо улар сурбетларча графнинг атрофида гирдикапалак бўлишар, ўзларини тенг қилиб кўрсатишга, яқин ва муносиб хисоблашга харакат килишар эди. Мен эса улардан фаркли, ўзимни четта олардим, журъатсиз ва итоатгўй эдим. Улар шундан бўлса керак, ўта беадаблик билан, сурбетларча менга токат килолмасди. Бундай қараш факат кимнингдир химоясига муҳтож бўлган ночор одамларда кузатилади.

Графнинг хизматкори ҳам менга паст, калондимоғлик билан сурбетларча муомала қиласди. Столда менга ҳам ош-овқат ва вино қўйишга одатланишган бўлса-да, уларнинг малайларга хос сўзлари ва карашларидан менга нисбатан текинхўр хизматчига караган каби ижирғанишларини сезар эдим. Туарар жойим, кўрпа-тўшакларимни ўзим йиғиширип ва кийимларимни ҳам ўзим тозалар эдим.

Кечалари баъзан графнинг уйида “винт” деб номланган карта ўйини ташкил қилинар эди. Ўйинга шерик етишмай колганда граф менга ҳам карта узатарди. Мен ҳар доим пулсиз, бироқ ҳар гал ютиш тўғрисидаги катта истак билан ўйинга киришар эдим. Ич-ичимдан ютишим тўғрисида Худога илтижо қилиб, иштиёқ билан ўйнар эдим. Аммо мен ҳар доимгидек, ҳаммадан ҳам кўп ютқизиб қўярдим.

Ўйин тугаб, шериклар ўзаро бир-бирлари билан хисоблашаётган пайтида уятдан бошимни кўтаролмай, ўлгудай қизариб, титраб, бармоғимни қайриб ўтирадим. Бу ҳолат узок давом этаверса, чидолмай, ўзимнинг хижолатимни билдириш учун ғулдираб:

— Илтимос... Граф... Менинг ҳозирча пул масаласида қийналиб турганлигимдан хабарингиз бор. Ютқазганимни ўзингиз тўлаб туринг... Мен сизга эртага қайтараман,,, — дердим.

Албатта ваъдани ёлгон эмас, чиндан берардим. Аммо, бу қарзимни эртага ҳам, индинга ҳам қайтаролмаслигим ҳаммага аён эди.

Бир куни кечаси гарф ва уйига йигилган меҳмонлари аввал ресторанга, кейин эса аёллар билан учрашувга бормоқчи бўлишди. Мени ҳам тил учида таклиф килишди. Мен албатта ўз-ўзимча рад жавобини бермоқчи бўлдим. Чунки, билардимки, “йўқ” деган жавоб уларнинг ҳаммасига маъкул тушар эди. Аммо, ўшанда қандайдир бир куч мени шошилганча пальтомни кийиб олишга ва уларга қўшилиб жўнашга мажбур қилганини, Худо ҳакки, ҳанузгача тушунолмайман.

Ресторанда овқат пайтида ҳамма яйраб, ўзаро бир-бiri билан ҳар хил ҳазил қилишди. Мен эса худди ўргатилган кучукдай тинмай кийкириб қулар эдимки, бу беҳисоб ҳузур баҳш этарди. Аммо хаёлимга бирор бир қизиқ ёки қулгили фикр келиб қолса, уни айтиб берай, десам, ҳеч ким менга эътибор бермасди. Қанчалик оғиз жуфтлашга ҳаракат қилмай, шу заҳотиёқ сўзимни бўлишарди. Бир сўзни ўнинчи бор айтишга ҳаракат қилиб, ҳамсухбатларимнинг қўзларига карап эканман, уларнинг бирортасининг нигоҳи нигоҳимга қадалмади...

Айникса, менга кечаси даҳшатлироқ эди. Худди коридорга ўхшаш ҳамма ўтиб-қайтадиган тор хонада ухлардим. Тўшагим пружиналари чўкиб, ўртаси кийшайиб қолган, толаси титилиб, ташқарига чикиб ётган эски узун курси – күшетка эди. Олдиндаги икки оёғининг йўқлиги учун ўрнига жомадонимни қўйиб қўйган эдим. Бу ўриндикни қанчалик ёмон қўришимни билсангиз эди! Бу каби одамни эсанкиратиб қўядиган кўргуликни ҳеч кимга раво кўрмасдим. Эски нарсаларга ўта ўч бўлган ашаддий эскипўш ҳам бундай расво, эски нарсанинг баҳридан аллақачон кечган бўлар эди. Ҳар куни

навбатдаги узун кечалар якинлашиб, мени кутиб турган чидаб бўлмас, азобли, уйқусиз тун бағрига чорлар эди. Нихоят мен ўша кеч жойимга ётдим. Ётоқ курсининг буқчайган, қийшиқ жойи елкамга ботиб, қаддимни тобора букарди. Чиқиб турган пружиналар икки ёнимдан танимга ботиб, ёстиғим жуда кичкина бўлганлиги учун бошимда турмай, сурилиб кетаверар эди. Беш дакика фурсат ўтгач, доимгидек бел ва елкамда бемаъни оғриқ туради. Бошим қизиб, бечора миямда турли ўй-хаёллар айланиб, гўёки талваса ўпқонида чарх ура бошлайди... Шунда бирма-бир акл бовар қилмайдиган, хеч қачон рўёбга чикмайдиган, ушалмайдиган келажак режалари тузила бошланади. Негадир тунда бу каби режаларга ишонардим, аммо тонг ёришиши билан улар мени худди иситма аралаш алаҳсираган каби даҳшатта соларди. Кундузги ҳар бир ҳодисанинг таассуротлари, ўзим ва бошқаларнинг айтган сўзлари, кечган ҳар бир дилси-ёхлик, камситиш ва ҳақоратлар яна қайта-қайта хотирамда жонланарди. Мени қийноққа солиб, бирин-кетин, хотирамда жонланётган бу каби даҳшатли кечинмалар, изтироблар ичida борлиғимни жазиллатиб куйдиргувчи азоблардан сел бўлардим. Бу ҳолатни фақатгина ёлғизликка махкум ва хўрланган инсонгина тасаввур килиши мумкин, холос. Ўзим ўтказган бу каби қабих, пасткашликларни хотирамда қайта жонлантиргач, қалбимнинг туб-тубидан шунчалар бир жирканч балчикни кўпориб олар эдим. У шунчалар аянчли нарсаларки... ҳатто на суд залида ва на ўзингни химоя килиш учун хам гапириб бўларди...

Графнинг дўстлари мен ётган қийшиқ курсининг ёнидан ўтаверишда унинг жуда аянчли ҳолига ишора килиб, масҳараомуз кўнгилимни кўтариб кўйишини ёқтиришарди. Уни азоб курсиси, деб атардилар.

Ўша мен жиноят содир этган куним, графнинг та-нишларидан бири жаноби Лбов, барча улфатларни ўзига қолдирилган меросни ювиш учун ресторонга таклиф қилганди. Мен ҳам ресторанга бориш учун ки-йимларимни кия бошладим. Зинага чиқкан пайтимда нохосдан жаноб Лбовга туртиниб кетдим ва дарҳол узр сўрадим. У эса:

– Ҳечкиси йўқ, аҳамият берманг... деди. Ва шу заҳа-ти яна:

– Ҳа айтганча, Федоров, сиз боришга чоғланиб, бе-корга овора бўлаяпсиз, шекилли. Тушунишимча, ҳозир-ча сизни ҳеч ким таклиф қилганича йўқ... – деб, кўшиб кўйди.

Мен кутилмаган бу каби аёвсиз сўзлардан кейин, довдираб, нима қилишни билмай, пиллапояда тўхтаб қолдим. Мехмонлар шовқин солиб, бирин-кетин эшик-ка чиқардилар. Улардан кимдир менга қараб:

– Бораколинг, ўзингизнинг ўша азоб ўриндингиз-да ётиб, дам олатуринг, дея қичкирди.

Яна бири эса:

– Ҳа, шундай, ўзингизнинг ўша муттаҳам ўрин-дингизга бораколинг! – дея, кўшиб кўйди.

Улар жам бўлиб, ҳаҳолашиб кулганча, ресторанга жўнаб кетишли. Мен қайтиб келиб, ўрнимга чўзилдим. Ич-ичимдан эса, нимагадир дамо дам “Улар айтган гап-ларидан афсусланишади, мени олиб кетиш учун ортим-дан кимнидир юборишади”, деган хаёл ўтди. Аммо ҳеч ким қайтиб келмади. Шундан сўнг ноилож, алам-дан икки, уч соатларча аччиқ кўз ёш тўқдим. Айникса, “муттаҳам ўриндик” деганлари жудаям оғир ботди. Се-кин ўрнимдан турдим. Ётадиган жойга нисбатан қалбим нафратга тўла эди. Шу пайт беихтиёр шляпам тагидан бир неча бўлак картон қоғозини суғуриб олдим-у уни

эски газетага ўраб, керосинга ботирдим ва ўша ўриндик тагига қўйиб, унга олов қўйдим. Ўша пайт менинг ҳушим, ихтиёrim умуман ўзимда эмас эди. Билмайман орадан қанча вакт ўтиб, ўзимга келганимда хона буткул ловуллаб ёнарди. Килган ишимдан даҳшатга тушдим ва одамларни ёрдамга чакирдим. Вокеанинг колган кисми эса сиз жанобларга маълум...

## НАСТАРИН БУТАСИ

Хотини эшикни очгунича зўрга чидаб турган Николай Евграфович Алмазов, эгнидаги уст кийими ва бошидаги фуражкасини ҳам ечмай, хонасига кириб кетди. У қошларини чимириб, пастки лабини чўччайтириб олган, юз кўринишидан эса ўта асабийлашганлиги билиниб турарди. Унинг бу ахволини кўрган хотини, қандайдир нохушҳодиса юз берганлигини сезди-ю, бир сўз демай, эрининг орқасидан секин кириб борди. Алмазов хонанинг бурчагига тикилгунча турган жойида тек қотиб турарди. Бирпас ўтгач, кўлида тутиб турган портфели полга келиб тушди. Шундан сўнг яна ғазаби қайнаб, бармокларини сикиб, киシリлатди-ю ўзини креслога ташлади. Полда эса портфелнинг ичидан тўкилган коғозлар сочилиб ётарди.

Ёш, ўртаҳол офицер Алмазов, бош штаб Академиясида маъруза тинглаб, хозиргина ўша ердан қайтганди. Бугун у профессорга ўзининг сўнгти ва энг мураккаб амалий ишини яъни худуднинг инструментал кўчирма чизмасини тақдим қилганди.

Шу пайтгача барча синовлар муваффакиятли кечди, аммо бунга эришгунича уларнинг бошидан кечирган қийинчиликлари ёлғиз Худога-ю ва уларнинг ўзигагина аён. Аввал бошидаёқ, Академияга киришнинг ўзи ҳам жуда машакқатли, бунинг имкони йўқдай туйилганди.

Бошида икки йил давомида Алмазов имтиҳонлардан йиқилди. Кўп ва зўр бериб килинган тайёргарликлардан сўнг, факат учинчи уринишдагина ўз мақсадига эришганди. Агар ёнида хотини руҳан мадад бўлиб турмаганида эди, балким иродаси бўшлиқ қилиб, буларнинг барига аллақачон кўл силтаб юбориши аниқ эди. Бирок, Верочка хар доим турмуш ўртоғини дадилликка, рухини туширмасликка, то мақсадга эришгунича тинимсиз ҳаракат қилишга чорлаб келди ва қўлидан келганича қўллаб-кувватлади. У умр йўлдошининг ҳар қандай омадсизлигини, инжиқликларини очик ва хуш чехра билан қаршилашни ўзига одат қилиб олганди. Уйида ўзи учун зарур бўлган кўплаб нарсалардан воз кечиши эвазига, эри учун унчалик зўр бўлмаса-да, ҳарқалай ақлий меҳнат билан иш кўрувчи инсонларга зарур бўлган қулайлик яратилишига ҳаракат қилганди. Эри учун гоҳ ёзувларини кўчириб берувчи котиба, гоҳо чизмакаш, баъзан муҳаррир, умуман ҳар қандай шароитда ҳам қўлидан келгунича ҳар бир ишда кўмаклашди ва ҳаттоқи эслатма дафтар вазифасини ҳам бажарди, хуллас, беминнат ҳамкор, мададкор бўлди.

... Оғир суқунат ичидаги беш дакиқа вакт ўтди. Хонадаги жимликни эса факат уларга кўпдан бери таниш бўлган ва жонларига тегиб кетган соатнинг бир, икки, уч-уч деб, икки марта очик ва учинчи мартаси хириллаб нотекис уриши бузиб турар эди. Алмазов уст-бошини ечмай, тескари томонга қараб ўтириб олганди... Ундан икки қадам оркада эса Вера нима қилишини билмай, қийналиб, гўзал ва маъюс чехраси билан миқ этмай унга тикилиб турарди. Ва ниҳоят аёлларгагина хос ўта эҳтиёткорлик билан худди оғир бетоб бўлиб ётган яқин инсонининг бошида ўтирган аёлдай биринчи бўлиб охиста сўз котди:

— Коля, ишларинг қанака ўзи?.. Ёмонми-а?

У индамади, елкасини секин қимирлатиб кўйди.

— Коля, ё иш режангни қабул қилишмадими? Мундок гапирсанг-чи ахир, барибир мен хам билишим керак-ку.

Шу пайт Алмазов хотинига юзланди ва кўпдан бери ранж-аламини аранг ичига ютиб, сикилиб юрган инсон каби куйиб-пишиб гапира кетди:

— Ҳа, жуда билгинг келаётган бўлса, марҳамат, худди шундай бўлди, режамни қабул қилишмади. Наҳотки сезмаётган бўлсанг? Ҳа, барчаси чиппакка чиқди! Мана бу ярамас нарсанинг барчасини, — у оёғи билан чизмалар сочилиб чиқкан портфелни турттар экан, — энди буларнинг барчасини ёкиб юборсанг ҳам бўлади! Мана сенга Академия! Бир ойдан сўнг яна полкка қайтаман, бунинг устига шармандаларча, уятни орқалаб қайтаман. Бир арзимаган, кандайдир ярамас шу доғни деб-а!.. Ҳа, жин урсин!

— Қанака доғ ҳақида гапирайпсан, Коля? Тушунтириброқ гапирсанг-чи, ҳеч нарсага тушунмаяпман. У креслонинг кўл билан суюнадиган жойига келиб ўтириб олди ва секин эрининг бўйнидан кучди. Алмазов хотинининг бу харакатига қаршилик қилмади, аммо ҳамон маъюс қиёфада индамай бурчакка тикилиб ўтираверди.

— Коля, у қанака доғ эди? — кайта сўради хотини яна.

— Э-э, ҳалиги, яшил бўёқнинг оддий доғи-да. Ўзинг биласан-ку, кеча соат учгача ухламаганман, ишимни охирига етказишим керак эди. Режам чиройли қилиб чизилган, безалган. Бу ҳақида ҳамма гапирди, ҳамма тан олди. Бироқ, кеча тунда ўтиравериб чарчаб кетганимдан охири кўлларим қалтирай бошлади ва оқибатда режамнинг юзига доғ томизиб кўйдим... У доғ шундай куюқ ва ёғли эдик, тозалайман деб, баттар чапладим. Энди нима қилсам экан, деб, ўйлайвериб, ўйлайвериб, охири

доғ тушган жойда дарахт бутасини тасвирлашга қарор килдим... Тасвир жуда ажойиб чиқди. Ҳеч ким бу ерда доғ бўлган, деб шубҳа ҳам килмайди. Чизмани аввал профессорнинг ўзига олиб кирдим. Лекин, биласанми, у ишимни кузатар экан: “Хўш, хўш, яхши. Аммо, менга айтинг-чи Поручик, манави жойда буталар қаердан пайдо бўлиб қолди?” – деди. Шу пайт, бўлган воқеани қандай бўлса, шундайлигича сўзлаб берганим дурустмиди? Эҳтимол, бироз куларди... Йўқ, бирок у ҳеч қачон бундай қилмайди-да, кулмайди, чунки у ўта расмиятчи ва тартиб-интизомга қатъий риоя килувчи – немис. Мен эса унга: “Бу жойда ҳакикатан ҳам буталар ўсади”, дедим. У эса: “Йўқ, бўлиши мумкин эмас. Бу ҳудудни беш кўлдай биламан. У ерда буталар йўқ эди”, деди. Шундан сўнг бирин-кетин савол-жавоб орқали сухбатимиз анча авж олди. У ерда ўзидан бошқа кўплаб офицерлар ҳам кузатиб турганди. “Майли, агар сиз ўша жойда ҳакикатдан ҳам дарахт буталари бор, деб айтаётган бўлсангиз, эртагаёқ ўша жойга бирга борамиз. Мен эса сизнинг эътиборсизлигингизни ёки тўғридан-тўғри бошқа харитадан кўчириб чизганлигингизни исботлаб бераман...”

– Аммо, хайронман, нега у бунчалар ишонч билан у ерда буталар йўқ, деб айтди?

– Эй, Худойим-ей, нега? Худди ёш болага ўхшаб савол берасан-а. Ахир, у йигирма йилдан буён бу жойларни ҳатто ўзининг уйидан ҳам яхши билади. Дунёда бадкирдор синчковлар бор бўлса, энг ашаддийси шу одам, бунинг устига-устак, у немис бўлса...

Алмазов гапираётганида олдида турган кулдондаги ёқилган гугурт чўпларини олиб, майда-майдалаб бўлаклар, жимиб қолганида эса жаҳл билан уларни полга ташлар эди. Ўзини бундай тутишидан унингдек иродали инсоннинг ҳам роса йиғлагиси келаётганга ўхшарди.

Эр-хотин шундан сүнг оғир ўйга чўмиб, бир оғиз сўз котмай анча узок ўтириб қолишиди. Аммо, бир пайт Верочки тўсатдан ўрнидан сакраб турди.

– Кулок сол, Коля, хозироқ йўлга тушишимиз керак! Тезроқ кийин.

Николай Евграфович ўта чарчагани, ҳолдан тойганлиги сабаб танаси зиркираб турганидан афтини бужмайтириб унга тикилди.

– Э-х, Вера, бемаъни гапларни қўй. Наҳотки, мени ўзини оклаш учун кечирим сўрайди, деб ўйлаётган бўлсанг. Ахир бу ўз-ўзимга хукм чикаришдан бошка нарса бўлмайди-ку. Ўтинаман, мени бундай тентакликка мажбур килма.

– Йўк, бу тентаклик эмас, – дея, депсиниб, эътиroz билдириди Вера. – Ҳеч ким сени бориб узр сўрайсан, деб мажбурламоқчи эмас... Агар у жойда ўша бемаъни буталар йўқ бўлса, хозироқ уларни бориб ўтказиш керак.

– Ўтказиш?.. Буталарни-я?.. – дея, Николай Евграфовичнинг кўзлари олайиб кетди.

– Ҳа, ўтказишими керак. Агар ҳакикатан буталар бор, дея ёлғон гапирган бўлсанг, демак буни тўғирлашимиз керак. Бўлақол, менга шляпамни бер... Уст кийимини ҳам... улар бу ерда йўқ, шкафни қара... Соябоним!

Алмазов унинг гапига рози бўлмаган эса-да, беихтиёр шляпа ва уст кийимини кидирарди. Вера бўлса столнинг тортмалари, кийим жавонларини биттама-битта очиб ёпар, кийим-кечак турадиган пакет ва кутиларни титкилаб, сўнг бирин-кетин полга ташлаб, ниманидир излаётганди.

– Зиракларим... Аммо, у ҳеч нимага арзимайди-ку... Унга ҳеч вақо ҳам бермайди... Мана бу олмос кўзли узук эса кимматбаҳо... Сўнг, дарҳол гаровдан қайтариб олиш лозим... Ажралиб қолса, яхши иш бўлмайди. Билагузук-чи... бунгаям жуда оз тўлашади. Чунки, эски-

риб, кийшайиб қолган... Коля, айтганча, сенинг кумуш портсигаринг қаерда эди?

Орадан беш дақика ўтиб, барча қимматбаҳо буюмлар Веранинг сумкаласига жойланди. Кийиниб олган Вера, бирор нарсани ёдидан чиқариб, уйда қолдириб кетмаётганига ишонч ҳосил килиш учун, охирги марта яна бир бор атрофга қайта кўз югуртириб чиқди. Сўнгра:

– Кетдик, – деди, қатъий оҳангда.

– Қаёқка борамиз ахир? – дея, яна эътиroz билдиримокчи бўлди Алмазов. Ҳозир бирпасда коронғи тушади, у жойгача салкам ўн километр масофа бор.

– Ҳеч нарса қилмайди... Қани кетдик!

Алмазовлар даставвал ломбард<sup>1</sup> га кириб ўтишди. Бу ердаги нарх белгиловчи ходим ҳар куни турли хил баҳтсизликларга дучор бўлиб келган одамларни кўравериб кўнишиб кетганидан, бу каби ҳолатлар унга таъсир ҳам қилмасди. У олиб келинган буюмларни ҳар жиҳатдан шунчалик синчиклаб текшириб-ки, охири Верочкининг тоқати тоқ бўлаёзди. Айниқса, Вера унинг олмос кўзли узугини кислотага солиб, текшириб, оғирлигини ўлчаб, сўнг атиги уч рублга баҳолаганидан ҳафсаласи пир бўлиб, дили оғриди.

– Ахир, бу соф бриллиант-ку, – эътиroz билдириди Вера, – у камида ўттиз етти рубл туради.

Гаровга олувчи хоргин ва бепарво кўзларини қисиб,

– Бизга бунинг фарқи йўқ, хоним. Биз тошларни умуман қабул қилмаймиз, – дея жавоб берди ва навбатдаги буюмни тарози палласига ташлар экан, – биз факат металл буюмларнигина баҳолаймиз, дея қўшиб кўйди.

Аммо, Вера учун кутилмагандага ўша эски ва кийшик билакузук анча қиммат нархда баҳоланди. Хуллас, уларнинг кўлида жами йигирма уч рубл атрофида пул тўпланди. Бу эса мўлжалланган суммадан ҳам ортиқ эди.

<sup>1</sup> Гаровхона.

Алмазовлар боғбонникига кириб келишганида, аллақачон Петербург узра ойдин тун пардаси ёйилиб бўлганди. Бу пайтда тилла кўзойнак тақиб олган, чех миллатига мансуб, жуссаси кичиккина кекса боғбон эндинина ўз оиласи билан кечки овқат учун дастурхон атрофига ўтирган экан. У мижозларнинг кечки ташрифини хушламади, аммо уларнинг ғалати илтимосидан жуда ажабланди. Афтидан, боғбон қандайдир фирибгарликдан шубҳаланаётганлиги ва шу туфайли эътиroz билдиrmокчи эканлиги сезилиб турарди. Бироқ, Верочкининг куюниб қилган илтимосидан сўнг, у:

— Узр, кеч бўлди, хафа бўлмайсизлар. Ярим окшомда ундаи узок жойга ишчиларни юбора олмайман. Агар сизга тўғри келса, эртага эрталабданоқ хизматингизда бўламан, — дея, совуккина жавоб қилди.

Энди факат биргина йўл колган — у хам бўлса, боғбонга ўша бадбаҳт доғ тўғрисида бўлган воқеани ётиғи билан тушунтириб бериш керак. Албатта, Верочка шундай қилди хам. Машъум воқеани тинглар экан, боғбон дастлаб уларнинг гапига ишонқирамади. Аммо, вазиятдан кутулиш учун ўйлаб топилган Веранинг ўша жойга кўчат ўтказиш ҳакидаги қарорини эшифтгач, уни диккат билан тинглай бошлади ва бир неча бор хайриҳоҳлик билан мийигида кулиб ҳам кўйди.

— Хўп, майли, оддийгина иш экан-ку, — дея, сўнг розилик билдириди боғбон. Вера хикоясини тугатгач эса, — энди ўзларнинг айтинглар-чи, қандай дараҳт ёки гул кўчатини ўтқазмоқчисизлар? — деб сўради.

Бироқ, боғбоннинг бисотида бор бўлган бирорта хам дараҳт ва бута турлари режа чизмасидаги “доғ”-нинг кўринишига сира мос келмасди. Ва ниҳоят уларга ноилож настарин бутасини танлашдан ўзга чора қолмади. Алмазов рафиқасини уйга жўнатмоқчи бўлди, аммо

унинг бу ҳаракатлари беҳуда кетди. Вера эри билан бирга шаҳар ташқарисига йўл олди. У иш охирига етмагунича, ишчиларнинг ишига ҳам ўралашиб, куйиб-пишиб уларнинг ёнида куймаланиб юрди. Нихоят, кўзланган жойга настарин бутаси ўтқазилиб, янги ўтқазилганлиги билиниб қолмаслиги учун, унинг атрофига шу ерда ўсиб ётган майсаларга ўхшаш чим тўшалгандан кейингина, кўнгли жойига тушиб, шундан сўнг уйга кетишга карор килинди.

Вера эртаси куни эри то қайтунича ҳаяжонини босолмай, уйида тиниб-тинчиб ўтиrolмади. Ва нихоят, унга пешвоз чиқиши учун кўчага отланди. Узоқдан келаётган эрини бир кўришданоқ таниди, унинг илдам қадам ташлаб қайтаётганлигини кўриб, бута воеаси муваффакиятли якун топганини сезди... Ҳақикатан ҳам Алмазов мамнун қиёфада, яйраб келарди. Ўта хориб-толгани ва қорни очлиги туфайли оёқда базур юриб келаётганини хисобга олмаганда, унинг чехрасида ҳакикий ғалаба нишонаси барк уриб турарди.

– Ҳаммаси зўр бўлди! Жуда аъло! – дея, хавотирда унга тикилиб турган хотинига қараб, ўн қадамча наридан туриб шодон қичкирди. – Ўзинг энди бир тасаввур килиб кўр, биз у билан бирга шу кечада ўтқазилган ўша буталарнинг олдига бордик. У буталарга қайта-қайта тикилиб қараб, ҳайрон бўлиб қолди, ҳаттоқи унинг баргини узиб, чайнаб ҳам кўрди. Сўнгра, “Бу қанақа дарахт?” дея, сўради. Мен эса: “Билмайман, жаноблари”, дедим. – “Қайин дарахти бўлса керак”, деди у. Мен ҳам: “Худди шундай, қайин дарахти бўлиши керак,” – дея, жавоб қайтардим. Шундан сўнг у мен томонга ўгирилди ва ҳаттоқи қўлинни узатиб, “Мени авф этинг, поручик. Модомики, шу буталарни унугтан эканман, демак мен қарияпман шекилли”, деди. У чинданам

олиижаноб, буюк инсон, профессор, жуда ақлли киши. Очиғини айтсам, энди уни алдаганим учун виждоним қийналяпти. У энг кучли профессорларимиздан бири. Билими – даҳшат, мўъжизанинг ўзгинаси. Ҳудудларга таъриф бериш, фикр билдиришда аник ва тезкорлигини айтмайсанми – ҳайрон қоласан киши, қойил!

Аммо Вера учун унинг бу айтиб берганлари камлик қилди, кониқмади. У эридан Профессор билан бўлиб ўтган сухбатнинг барчасини, ипидан игнасигача қайта-қайта айтиб беришини сўрайверди. Уни эри билан профессор ўртасида бўлиб ўтган сухбатнинг майдада-чуйда тафсилотларигача, хаттоки профессорнинг қай оҳангда сўзлагани, қариёттганлиги хақида гапирганида унинг юзидағи ўзгаришларгача ва ўша пайтдаги Колянинг ичидан ўтган ҳис-ҳаяжонигача қизиқаётган эди...

Нихоят, улар уйи томон кета бошладилар. Гўёки кўчада улардан бошка ҳеч ким йўқдек, шундай бир-бирининг кўлидан ушлаб олганча, бемалол, тўхтамасдан кулишардилар. Уларни кўриб, таажжубда колган йўловчилар бу ғалати жуфтликка яна бир бор караб, уларни қайта кўриш учун кетаётган йўлларидан ҳам тўхтаб, карашарди...

Николай Евграфович шу пайтгача ҳеч қачон бугунгидек зўр иштаҳа билан овкатланганини сира эслай олмайди... Тушликдан сўнг эса Вера эрининг хонасига стаканда чой олиб кирар экан, эр-хотин бирданига бир-бирига караб кулиб юборишли. Шундан сўнг,

– Нега куляпсан? – дея сўради Вера.

– Ўзинг-чи?

– Йўқ, аввал сен айт, кейин мен айтаман.

– Ўзим, шунчаки, ҳалиги, оддий настарин бутаси билан боғлик воқеа ёдимга тушиб кетди. Ўзинг-чи?

– Мен ҳам шунчаки, ўша – настарин воқеасини эслаб. Айтганча, яна сенга шуни ҳам айтмоқчи эдим-ки, энди настарин менинг энг севимли гулим бўлиб қолади.

Бу воеа бехисоб даромадини дунёнинг турли жойларидан келтирилган камёб ва бир-биридан чиройли турфа гуллар парваришига бағишилаган миллионер, аммо одамови бўлса-да ажойиб бир инсонга тегишли оранжереяда содир бўлган эди. Ўзига хос қурилмага эга бўлган ушбу иншоот кенглиги ва унда тўпланган ўсимликларнинг кимматбаҳо ноёблиги билан жаҳондаги энг таникли оранжереларни ҳам ортда қолдириб кетиши мумкин. Бунда турли-туман тропик ўсимликларнинг жуда кўплаб, антиқа турларидан бошлаб, энг нозик ва инжик, рангпар момикларгача худди ўз ватанидаги каби, яйраб-яшнаб ўсиб ётибди. Бир катор, савлат тўкиб турган ҳар хил пальмалар, банан, саго ҳамда кокос каби анжирсизон бўйчан дарахтларнинг яланғоч шохлари учидаги кенг соябон ёки улкан елпифичларни эслатувчи япроқлари баланд иссиқхонанинг ойнали шифтигача тегиб турибди. Улардан ташқари бунда кўплаб ғаройиб обнус дарахти ва унга ўхшаш ўсимликларни ҳам учратиш мумкин. Улар орасида кўриниши кора, метиндек мустаҳкам ва унинг танасига келиб теккан ёки кўнган ҳар қандай хашароту қурт-күмрскаларни шу заҳотиёқ япроқ ва гуллари билан кисиб олиб, уларни сўриб озиқланувчи йиртқич мимозалар ҳамда танасидан худди конга ўхшаш, қуюқ қизил заҳарли суюқлик томиб турувчи драценалар ҳам бор. Оранжереяда кенг айлана шаклидаги ажойиб сув ҳавзаси бор. Унинг тип-тиник, зилол сувининг юзасида яшил кенг япроқларининг ҳар бири бир гўдакни бемалол кўтара оладиган, мафтункор сув ўсимлиги – шоҳона Викториялар ҳам ажиб бир алпозда сузиб юради. Ушбу бетакрор оранжереяда факат окшом палласи гуллагувчи оппок

хинд нилуфарлари ҳам талайгина. Улардан ташқари, текис девор юзаси бўйлаб басма-бас қад рослаб турган тўк яшил рангли хушбўй сарв дaraohтлари, нозик оч пушти рангда гулларга бурканиб ётган самбитгуллар<sup>1</sup>, ҳар фаслда ям-яшил бўлиб яшнаб турувчи хушбўй ми尔та буталари, муаттар бўйли турфа хитой дaraohтлари, ажойиб манзарави қаттиқ япрокли фикуслар, жануб акацияси, дафна, апельсин ва бодом каби дaraohтлар жой олган.

Ранг-баранг тахир бўйли чиннигуллар, яшнаб турувчи япон хризантемалари, намозшомдан олдин гўё таъзим қилаётгандек, оппок гулларини заминга эгиб оладиган, ўйчан наргис гуллар, кабр даҳмалари, мак-бараларга безак берувчи сунбул ва шаббўйлар<sup>2</sup>, кумуш кўнғироқчали маъсум марваридгуллар, хуш бўйи билан ҳар қандай кишини сармаст қилгувчи оппок панкрациялар, худди бошига нофармон ва қизил телпак кийиб олгандек, солланиб турган йирик думалок гулли гортензиялар, камтарин хушбўй бинафшагуллар, асли макони Ява ороли бўлган ўта муаттар оқ табаргуллар<sup>3</sup> ва улардан ташкари дуккаклилар оиласига мансуб жуда кўплаб турли хушбўй ўтсимон ўсимликлар, хуш бўйи атиргулни эслатувчи пионгуллар чаманзор бўлиб ётибди. Қадимдан рим гўзаллари қайд этганидек, терига ажиб тиниклик ва майнинлик баҳш этгани боис улар севиб, ювениш ванналарига соладиган вервеналар ва ниҳоят бир-биридан бетакрор кирмизи, жигарранг, пушти, сарик, малла ва кўзни қамаштирувчи тиник, оппок кумушдек товланиб турган турфа атиргуллар, кийғос

<sup>1</sup> Олеандр

<sup>2</sup> Хочгуллиларга мансуб хушбўй гулли декоратив ўсимлик

<sup>3</sup> Тубероза

очилиб ётган минглаб бошқа муаттар гулларнинг атри оранжерея ҳавосини буткул жаннатмонанд хушбўйларга тўлдириб туради.

Улардан ташкари бу ерда ўсаётган совукка чидамли Камелия яшил бутаси, ранг-баранг азалиялар, хитой лилиялари, Голландиядан келтирилган лолалар, ёркин рангларда жилоланиб турган улкан георгиналар ва қалин баргли астралар хушбўй таратмасалар-да, ўзининг бетакрор гўзал жилvasи билан ҳар қандай кишини мафтун этади.

Аммо, улардан фаркли ўларок оранжереяда на бир кўриниши, на хуш бўйи ва на бошқа бирор хусусияти билан деярли ҳеч қандай аҳамиятта молик бўлмаган, шунчаки эътибордан четда, ўз-ўзича ўсиб ётган бир кизик ўсимлик ҳам бор. Унинг илдизидан бошланиб ўсиб чиқкан каби, атрофи қалин тиканлар билан қопланган ингичка узун барглари ҳар томонга қараб кулоч ёйиб ётибди. Ергача тўшалиб ётган ўнга якин бундай баргларини у ҳеч качон тепага кўтаришга ҳаракат ҳам қилмагандек гўё. Анчайин ғалати ушбу ўсимликнинг барглари кун давомида муздек, кечаси иссиқ бўлади. Япроқлари орасида гуллари бор ёки йўклигини қўриб бўлмас, аммо гул ўзаги узун тик бўлиб, тепага қараб чўзилиб турган ушбу ўсимликнинг номи Сабур деб аталади.

Оранжереяда ўсаётган барча гуллар ва ўсимликлар қандайдир бир сирли, одамларга тушунарсиз бўлган ажиб тарзда хаёт кечиришар, ўзаро мулокат килишарди. Тўғри, уларнинг сўзлашувга забони бўлмаса-да, кай бир йўсиндадир бир-бирини тушунардилар. Аммо, қандай килиб? Бу жуда кизик! Балки бундай алоқада улардан тарапувчи турли-туман хушбўйлари хизмат килар? Ёки гул чангини бир гул косасидан иккинчисига олиб сепувчи шамол ёрдам берармикин ва ёйинки ушбу улкан иссиқхонанинг

ойнали тому деворлари орқали тушаётган күёшнинг илиқ нурлари сабабмикин? Ҳар не бўлганда ҳам, улар орасидаги бу каби мўъжизавий ҳолатни тасаввур килиш учун асалари ва чумолиларнинг бир-бирини тушунишларини кўз олдимизга келтириб кўрсак, бунга ишонмай ёки қойил қолмай илож йўқ. Бундайин ажиб мулокотлар нега энди табиатнинг энг гўзал мўъжизаси бўлган, гуллар ва ўсимликлар ўртасида бўлмаслиги керак, албатта, бўлади-да!

Бундан ташқари уларнинг қай бирлари ўзаро ажаб ишқ, муҳаббат, дўстлик ва меҳр ришталари билан боғланиб, янада бир-бирига яқинроқ бўлиб қолган бўлса, қай бирлари ўртасида қандайдир зиддиятлар, келишмовчиликлар ҳам пайдо бўлиб турарди. Кўпчилиги эса ўзининг гўзаллиги, муаттар бўйи ва ҳаттоқи бўйи узун, қадду қомати тиклиги борасида ҳам ўзаро ракобатга киришарди. Яна қай бирлари қадим аждодларининг келиб чиқиши тарихи билан ғуурланишарди. Баъзиза, айниksa, гўзал тароватли баҳор тонгларида, күёш қир-адирлар ортидан бош кўтариб, атроф-оламга заррин нурларини чараклатиб соча бошлаган дамда бутун оранжерия тилла рангда товланиб, гул япроклари ва гулғунчалар тебраниб, улар устига ёғилган олмосдек шудринг томчилари титраниб турган кезларда улар ўртасида тинимсиз шивир-шивирлар бошланиб, ажиб бетакрор, хуш бўйли сұхбатлар авж олиб кетарди. Сұхбатлар кўпинча олиб келинган, олис-олисларда ястаниб ётган бепоён дала-даштлар, қир-адирлар ва унда таралиб турувчи ёқимли хушбўйлар тарихи, соя-салқин, намчил ўрмонлар бағридаги кўрган-кечирган воқеалар, ундаги ғалати, ола-була ўсимликлар, турли-туман ҳашаротлар ва албатта, қадрдон она ватан соғинчи, унинг ойдин, осуда оқшомлари, тиниқ осмони, кенг дала, ўрмонларининг тоза, соф мусаффо ҳовоси тўғрисида кечарди.

Аммо бундай кезларда хам уларнинг барчаси бир тараф, уларга қўшила олмай, зимдан кузатиб тургувчи баҳтикар, беўхшов Сабур дарахти бир тараф бўлиб, ажралиб турар эди. Шунча йиллар давомида унга ҳеч қайси ўсимлик ёки дарахтлардан бирортаси заррacha эътибор кўрсатмади, назар-писанд қилмади. У ҳеч қачон на бирорта гул ва на бирор ўсимлик билан дўстона ёки бирор яқин муносабатда бўлганини, дардлашганини эслай олмайди. Шунча фурсат ўтидики, уларнинг бирортаси на ишқи, на меҳри билан унинг юрагини жиззиллатмади, ёки унинг қалбидаги чимдим меҳр уйғотолмади. Аксинча, шу пайтгача доимо уни кўрсатиб, пичинг килишлари, масхара қилиб устидан кулишлари уни бутқул зада килган ва бу ҳолатнинг ниҳояси йўқдек эди. Чунки ўзига бино кўйган бу гўзал гулларнинг ҳеч бири Сабур каби беўхшов, хунук ўсимликнинг ёнида туришини хоҳламас, ҳеч қайсиси уни ўзига муносиб кўрмасди. Йиллар давомида кечган бундай ҳақоратомуз муносабатлардан безор бўлган, ўксиган Сабурнинг кўнглида эса буларнинг барчасига нисбаттан нафрат пайдо бўлди. Қалбининг туб-тубида янада авж олаётган нафрат ўти, бора-бора уни кўп кийноқларга солди. У бечора азоб чекаётганини ҳеч кимга билдирамасликка, барчасини ичга ютишга ҳаракат қиласди.

Кунлардан бир куни, июль ойининг эрта тонгларидан бирида иссикхонада ўта камёб ва бетакрор қашмир гулларидан бири очилди. Ёниб турган кирмизи гулбаргларининг хиёл қайрилган жойлари қора баҳмалдек товланар ва ундан ниҳоятда ёкимли, хушбўй ифор тараларди. Оранжереяning ойнали деворларидан қуёшнинг илк нурлари туша бошлаганида, оқшомги енгил мудроқдан сўнг бирин-кетин уйғона бошлаган гуллар тонг чогида очилган мўъжизавий гўзал атиргулни кўриб, ҳайратла-

нишди ва хар тарафдан уларнинг шивир-шивири эши-тила бошлади.

– Во, ажаб! Бу Атиргул мунчалар чиройли бўлмаса! Қаранглар, қандайин хушрўй, қанчалар хушбўй! У жамоамизнинг энг гўзал зийнати, фахри бўлади! Сен бизнинг Маликамизсан!

Ушбу мақтovларни тинглаб, яйраб ва уялинкиб турган кирмизи Атиргул, қуёш нурларининг заррин ёғдусида янада ял-ял ёниб, товланиб, турфа гуллар орасида чинданам маликага ўхшаб кетарди. Унга маҳлиё бўлган барча гуллар ажиб гултожларини эгиб, ўсимликларга салом бергандай эгилиб, гўё таъзим бажо келтиришди.

Шу тобда эдигина уйғониб кетган баҳтиқаро Сабурнинг ҳам кўзи ногоҳ гўзал Маликага тушди-ю, хайратдан эс-хушидан айрилаёзди. Атиргулнинг тароватидан калби завққа тўлиб,

– О, гўзал Малика! Сен бунчалар соҳибжамолсан! – деб, юборди беихтиёр.

Унинг калбидан отилиб чикқан бу самимий сўзларни атрофдагилар ҳам эшитиши ва бир нафасдан сўнг уларнинг барчаси ўзларини тутолмай, ҳаҳолаб кулиб юборишиди. Шунда димоғдор лолалар бирин-кетин чайкалиб, “қах-қах” уришди. Кулгудан қадди қомати тик, кеккайган пальма дарахтларининг барглари силкина бошлади, оқ марваридгулларнинг қўнгироқлари жаранглаб кетди. Ва ҳаттоқи, камсуқум эҳтиёткор, раҳмдил бинафшагуллар ҳам ўзларини тутолмай, тўқ рангли думалок гулбарглари орасидан мийиғида кула бошладилар.

– Ў-ў, бадбашара! – дея, кичкирди кулгудан нафаси қайтиб, салкам ўлаёзган, ўзи кўтаролмаган семиз танаси таёққа боғлаб кўйилган Пион. – Сен кимга гапирайсан? Бундай мақтovларни айтишга сенек бир таскаранинг қандай ҳадди сиғди? Ахир, қара, ҳаттоқи,

закланиб туришинг ҳам қанчалар хунук ва ёкимсиз эканлигини наҳотки ўзинг англаб етмасанг?

Шу тобда, барчанинг эътиборини тортиб,

– Бу ким ўзи? – дея, унга караб майин жилмайганча сўради, гулларнинг навниҳол Маликаси.

– Бу бадбашарами? – дея, кийкирган, баланд овозда ҳақорат килишда давом этди Пион. – Биз ҳеч кайсимиз унинг кимлигини ва қаердан келиб қолганини ҳам билмаймиз. Исми ҳам жуда ғалати, ўзига ўхшаш – Сабур.

– Мени бу ерга олиб келишганида, ҳали кичкина, ноzik новдача эдим, – дея, таъкидлади баланд бўйли, эски Пальма. – У ўшанда ҳам жуда бахайбат ва ўта хунук эди.

– Мен билганимдан бери, анча йиллар бўлиб кетди, у ҳеч қачон гулламаган ҳам, гуллолмайди шекилли, – дея шама килди, баҳсни кузатиб турган ок Самбитгул.

– Қаранглар, бунинг устига бутун танасини кўпoldan-кўпол тиканлар қоплаб олган, – дея, гапга қўшилди, узокдан караб турган бир ўсимлик бутаси. – Аммо, ҳайронман, бу ерда бизни парваришаётган одамларнинг барчаси негадир биздан кўра унга эътибор беришади, негадир кўпроқ уни авайлашади. Шунга қараганда у балки кандайдир кимматбаҳо нимадир бўлиши ҳам мумкин, янаям билмадим.

– Бунинг сабабини мен биламан, – дея, масхара килишни давом этди, пионгул. – Чунки унга ўхшаш ўта беўхшов, бадбашара ўсимликлар жуда ноёб, юз йилда аранг бир топилиши мумкин. Шунинг учун унинг номини яна бошқача қилиб, юз йиллик, деб ҳам аташади.

Шундай қилиб, эрта тонгда бошланган сухбат мавзуси кун ярмигача давом этди. Бу ердаги гулларнинг барчаси бечора Сабурнинг устидан беаёв масхара қилиб кулишди. У эса ҳар доимгидек муздай баргларини ерга тирагунча, жимгина миқ этмай тураверди.

Чошгоҳдан сўнг чидаб бўлмас даражада ҳаво димиқиб кетди. Шундан сўнг момақалдироқ ёки жала ёғиши сезила бошлади. Осмонда сузиб юрган булутлар аста-секин куюқлашиб, корамтири тусга кириши. Сал ўтиб эса, нафас олиш ҳам кийин бўлиб қолди. Гулларнинг бари бирин-кетин ҳолсизланиб, нозик бошларини ҳам қилгунича, кимир этмай ёмғир ёғишини кутишиди.

Нихоят, худди олисдан тобора яқинлашиб келаётган йиртқич маҳлук кийкириғига ўхшаш овоз – гумбурланган момақалдироқ эшитилди. Бирпастдан сўнг боғонлар ҳар доимгидек жала ёғишидан олдин кечадиган бўғиқ сукунат пайтида тезкорлик билан иссиқхонанинг ойнали томини ёпиб кўйган оғир доскалар устидан шатирлаб ёмғир қуя бошлади. Бир зумда оранжереяни худди кечасидагидай коронғулик қоплади.

Айни шу тобда ногахон, эрта тонгда очилган Атиргулнинг ёнида кимнингдир сокин, дардли хониши эшитила бошлади:

– Эй, гуллар Маликаси, сўзларимга бир лаҳза қулоқ сол. Бу мен, ўша баҳтиқаро, омадсиз Сабурман. Тонг чоғида сенинг гўзал ҳусну жамолингни кўриб, аклу ҳушимдан айрилдим. Сен эса менинг забун ҳолимни кўргач, ажиб жилва килдинг. Чиройинг олдиди ҳайрат ичра донг қотган сармаст ҳолатим ғунча лабларинг узра ёйилган майин табассумга сабаб бўлди. Сенга бўлган ишқим, шайдолигим, қалбимни ўртаётган ҳис-хаяжонлар ҳамда ташқарида шаррос куяётган ёмғир туфайли чўккан коронғулик мени янада дадил бўлишга, кўркмасликка ундаяпти. Эй, гўзаллар гўзали, мен сени севиб қолдим. Ўтинаман, муҳаббатимни рад этма!

Бу сўзларни эшилган Атиргул димиққан ҳаво, коронғулик, ҳамда ташқаридаги момақалдироқдан даҳшатга тушиб турган ҳолатда ҳеч нарса дейлмади.

– Эй, соҳибжамол, сўзларимга кулок сол. Тўғри, менинг кўринишиш жуда кўпол, тиканли баргларим хунук бўлиши мумкин. Аммо шу тобда мен сенга ажиб бир сирни ошкор килмоқчиман. Американинг олис, кўлет-мас қалин ўрмонлари бағрида улкан минг йиллик дарахтлар танасига лиана деб аталувчи чирмовуклар чирмашиб ўсиб ётадиган, табиати бетакрор гўзал жойлар бор. Ҳали бирор одам оёғи етмаган ўша сўлим маскан менинг ватаним бўлади. Мен юз йилда бир марта атиги уч соатгина гуллайман ва сўнгра ҳалок бўламан. Илдизимдан яна юз йилдан сўнг гул очиб ва ўша соатларда дунёдан кўз юмгувчи янги новда ўсиб чиқади. Мен айни дамда бутун вужудим билан бир неча даққалардан сўнг ана шундай гуллашимни сезиб турибман. Эй гўзал! Сендан ўтинаман, бугун ёруғ дунё билан видолашув чоғида мени ёлғизлатиб қўйма, мендан юз ўтирма. Ишон, ҳаётим мобайнида қаршингдаги каби ажиб ҳолатга тушмаганман. Сени севиб қолдим! Ва бугун мен қалбимда олов олаётган сенинг муҳаббатинг учун гуллайман ва ишқинг билан ёруғ оламдан кўз юмаман!

Аммо унинг бу сўзларини тинглаб турган Атиргул бошини хам қилгунича, жавоб айтмади.

– Ягонам, омонатим, Атиргулим! Умримнинг поёнидаги сўнгти, энг қадрли, бетакрор баҳтли онларимни ёлғиз сенга бағишлайман. Ишқ ҳаққи, муҳаббат ҳаққи сени ва ҳаётни қучиб қоламан. Аммо наҳотки, сенинг шоҳона мағрурлигинг олдида ошиқона дил сўзларим, умримнинг энг ғанимат, энг азиз, сирли куйлари ичра кечеётган шу ҳолат – иқрорим камлик қилса? Ахир, эрта тонгда қуёшнинг илк нурлари пайдо бўла бошлигач...

Шу пайт ташқарида момакалдироқ шунчалар даҳшатли гумбурладики, Сабур сўзлашдан тўхташга мажбур бўлди. Тонг олдидан жала тингач, оранжерияни

милтиқдан отилган ўқдай баланд овозда “карс-курс” этган сас тутиб кетди.

— Сабур дарахти гуллаяпти, — дея, боғбон, икки хафтадан бери ушбу мўъжизани интизорлик билан кутаётган оранжерея эгасини уйғотиш учун югуриб кетди.

Ойнали деворлардан доскалар олиб ташланди. Барча одамлар Сабур дарахтининг атрофида жам бўлишиди. Гуллар, ўсимликлар ҳам қўркув ва ҳаяжон ичидаги бошларини унга қараб буриб, кузатиб туришди.

Сабур дарахтининг узун яшил танаси учидаги бир тўп мисли кўрилмаган даражада гўзал оппок гуллар очила бошлади. Атрофга ажойиб, бетакрор, жуда ёқимли, хар кандай кишини сармаст қилгучи муаттар бўй тарашиб, бирпасда бутун оранжерея ҳавосини чулғаб олди. Орадан ярим соат чамаси вақт ўта бошлагач, унинг оппок гуллари ажиб бир афсонавий тарзда аста-секин пушти рангга, сўнгра хиёл кизариб, кейинроқ тўқ кизил, охири кариб қора рангли тусга кирди.

Эрта тонгда қўёшнинг ilk нурлари пайдо бўла бошлагач эса, Сабур гуллари бирин-кетин сўла бошлади. Унинг орқасидан ўша хунук тиканли барглари ҳам куриди. Ва ниҳоят, ушбу ноёб гулнинг умри яна юз йилдан сўнг қайта гуллаш учун барчани ҳайратда лол қолдириб, хазон бўлди.

Бетакрор гуллар маликасининг муаттар бўйли, мағрур боши эгилди.

## БРЕГЕТ

Мен декабрнинг ўша кунги узун кечасини яққол эслайман. Айлана стол атрофида осилиб турган ёп-ёруғ чироқ нурида қалин ва эскилигидан титилиб кетган китобнинг мен учун қадрли ва ёқимли хотираларни эслатувчи “Шимол боларилари” номли жилдини ўқиб

ўтирадим. Ҳар доим Ружичнийга рождество таътилига келганимда, албатта бу китобни диккат билан бошидан то охиригача кайта ўқиб чиқардим. Амаким, Василий Филиппович менга қарама-карши, пастаккина кўк чармдан килинган ўриндиқла подагра билан оғриётган оёғини ола-була йўлбарс нақшли кўрпа билан ўраб олиб, тўғрисидаги стул устига қўйиб ўтирас эди. Унинг юзи соя тушиб турганидан, кўринмас, фақатгина оппоқ қўрқинчли қалин, узун мўйлови ва унинг орасида турган трубкасига ёруғликда, ғалати бир кўринишда кўзга ташланиб турарди. Мен ҳар замон ўқиётган китобимдан бошимни кўтариб, ховлида увллаб, дайдиб юрган изғиринга кулок тутардим. Назаримда, тинимсиз келаётган овозда қандайдир вахимали, ғам ҳамда қаҳру ғазаб аралаш даҳшатли бир таҳдид бордек эди. Унинг ҳайқириғи, аввал ғалати бўғик нола каби увлашдан бошланиб, баланд чинқириқка ўхшаш овозгacha кўтарила, сўнг яна аста-секин бир зайлда тинарди. Бу пайт дараҳтлар ҳам баланд шоҳларини тебратиб силкинар, шамол хуштак чалиб, гоҳо най навосидек нола чекар, бўрон ҳар гал шиддат билан кучайганида аллаким ташқаридан бир ховуч курук қорни деразага отиб юборгандек туйилар эди. Қачонки, бу каби иблисона концертга кулок тутарканман, беихтиёр шаҳардан олисда, кўнгилга яқинларимдан айро, мунг тортган қорли текисликда унутилган помешчикнинг кўхна бир кулбасида касалманд, картайиб қолган чол билан юзма-юз ўтириб қолиб кетадигандек, ташқаридан увллаб қалбимни бездириб, бехузур килаётган бўрон, бир зайлда чиқиллаётган соат маятнигининг овози эса ҳеч қачон тинмайдигандек туйиларди, гўё...

– Сен тасодиф, дейсан, – дея, Василий Филиппович ўриндиқдан оғир кимиirlаб, гавдасини тўғирлаб ол-

ди-да, ёруғликни күли билан түсіб, түсатдан гап бошлади. – Аммо сен хаётнинг баъзан қанақадир кутилмаган хазилларини бошлаб, хеч қандай мохир ёзувчи ҳам ўйлаб тополмайдиган даражада ўзгаришлар қилиб юбориши мумкинлиги ҳакида ҳеч ўйлаб кўрганмисан?..

Чолнинг сўзларини тинглар эканман, аввалига унинг бу гапи билан нимага шама қилаётганини тушунолмадим, сўнгра тушлик пайтида у билан китобий поэтик тўқималар ҳамда уларнинг қанчалар чексизлиги тўғрисида сухбатлашганимиз ёдимга тушди ва уни гапга солдим:

Нега бу ҳакида сўраб колдингиз, амаки?

Шунчаки... мана энди ўтирибман-да... атроф жимжит... ташкарида об-ҳаво ҳам ўзига яраша... истайсанми, йўқми эски нарсалар ёдга тушаверади... илгари бўлиб ўтган бир воқеа эсимга тушгани учун айтдим-да...

Амаким касал оёғини қийналиб, узок сийпалаб ўраб олди ва анча пайт жимиб қолди. Шундан сўнг яна гапида давом этди:

Бир вактлар биз ротмистр фон Ашенбергницида туғилган куни муносабати билан берилган зиёфатга йиғилдик. Қиши кунларидан бири эди. Сенга айтиб ўтишим керак, ўшанда бизнинг N инчи гусарлар полкимиз эндигина венгер компаниясидан қайтиб келган ва бошлиқларимиз қишлоқдаги ўта ташландик кароргоҳларга жойлаштирган эди. Бегона хилват жойларда юриш, қайғу-хасрат, зерикишлар ҳаддан ташкари бездириб юборганди. Биз ён атрофни айланиб чиқардик, аммо унинг нимаси қизиқ? Ўшанда зерикиб, ноиложликдан узлуксиз ичкиликвозлик қилиш, карта ўйнашдан бошка ҳеч бир иш қолмаганди. Ўзимизча куйидаги мисраларни қайта такрорлардик:

... ким кунига икки марта маст бўлмас,  
Билингки, у жангчи ё аскар эмас...

Хуллас, шундай қилиб биз яна йиғилишдик. У ерда аввал бошлаб, штаб-ротмистр Иванов 1 чи... сўнгра полк ичидаги кариялар, халқ майдалашиб, заифлашиб кетаяпти, шунинг учун ҳам ёшлар ҳеч нарсага ярамай қолаётир, дея, шикоят қила бошлишди. Шунингдек, штаб-ротмистр ҳам бизнинг устимиздан нолишни давом эттириди. Сенга айтишим керак, у полкдаги ягона катта офицер эди ва уни ҳамма яхши биларди (бутун полк у билан фахрланарди), бир пайтлар у Дениснинг ўзи билан жуда якин бўлган, бир-бирларини сенлашиб муомала килишарди. Бурцев билан бирга ичишиб, бирин-кетин олти ой давомида тинмай тўпаланг қилишганди. Ундан сўнг енгил кавалерияда ўзининг ажойиб овози билан танилган, майор Кожин ҳам бор эди. У ҳакида эсласам, овози ёдимга тушади, қандай овоз экан у, дея ҳайрон коламан. Баъзида, ичкиликбозлик мароқ билан давом этаётган пайтида, шунай стаканни қўлига олар эди-ю оғзига куйиб ажабтовур қийкиради. Мана, қара буни, эшитиб сен ҳам куляйпсан. Аммо, мен чиндан гапирайман, ишон, охирида унинг қўлида фактатиша колдиқлари коларди. Икки нафар, Резников ва Белаго деган поручиклар бўларди. Биз уларни “инсепарабллар”<sup>1</sup>, ёки эр-хотинлар деб ҳам атардик, чунки улар ҳеч қачон бир-биридан ажралмас, каерга борса, бирга боришар ва ҳар доим бир хонада туришарди. Яна казак ясовул, Сиротко ҳам бор эди. У ҳар гапнинг бирида “типратикан калла”, деган сўзни кўп ишлатгани учун, унинг ўзини ҳам “типратикан калла”, деб атар-

<sup>1</sup> Айрилмаслар ( фр. inseparable)

дик. Кейин корнет<sup>1</sup> граф Ольховский бўларди, у бизга ҳарбий мактабдан юборилган, шунчаки лапашангроқ, жуссаси кичик, ўзига яраша ўжарлиги ҳам бор, аммо меҳрибон бола эди. Компанияда поручик Чекмаров дегани бўларди, у ҳамманинг арзандаси ва эркатои эди. Ҳатто штаб-ротмистр Иванов 1 чи ҳам унинг номини яхши мавзуларда тилга олиб ўтарди: “Мана шу болакай ҳакиқий гусар, ҳакиқий енгил кавалерия аскари, каерга бормасин, ҳеч қачон панд бермаган...” Кувноқ, эпчилик, сахий ва кўркам, мохир чавандоз, ажабтовур раккос, хуллас, бир сўз билан айтганда, ажойиб ўсмири. Аммо, ҳайронман, бизнинг қўппол, нағисликдан йирок қаттиқ юракларимиз уни нимаси билан ўзига тортди экан, чунки ўта нозиктаъб, бунинг устига қулишлари, карашлари ҳам жозибали эди. Яна сенга шуни ҳам айтишим керакки, булардан ташкари у жуда бой бўлиб, ҳамёни ҳамма учун очик эди.

Бир куни бўйдоклар йигилиб, бир жойга тўпландик (полкимизда уйланганлар атиги икки нафар эди) ва ҳаддан зиёд тўйиб, кўп ичдик. Мезбоннинг соғлиғи учун, қадаҳларни айлантириб, қаторлаштириб қўйиб, ҳофизларни чақириб ҳам ичдик. Полк оркестри билан оркестр садолари остида ҳам ичдик. Ясовул Сиротко – “типратикан калла” ҳар қадаҳ кўтарганида мatal айтарди: “Икки этик бир бутун, учовлонсиз уй курилмас, тўрт бурчаксиз уйни кўтариб бўлмас”. Ўзиям, шунга ўхшаш элликка яқин мақол айтди, кейингилари айний бошлади, қолгандарини оғизга ҳам олиб бўлмасди.

Шунда кимдир, афтидан, “инсепарабллар”дан бири, куни кеча граф Ольховскийнинг уйига қимор ўйнашга борганини айтиб қолди. Маълум бўлишича, у бир яrim минг пул, қоратўриқ чавкар от ва Швецарияда ишлаб

<sup>1</sup> Инкилобдан олдин Россияда отлиқ аскар офицерларининг кичик унвони.

чиқарилған машхур кимматбаҳо брегет – тилла соатини ютиб олган экан. Ольховский ўша захотиёқ бизга яраклаб турған, ўйма нақшли безак бериб ишланған жуда чиройли бир соатни күрсатди. Ҳақиқатан у антиқа соат эди. Тепасидаги тұгмачасини босганда, дақика ва сониялар қанча бўлганини айтиб, охангдор куй чаларди. Қадимий соат.

Ольховский бирмунча гердайиб турди.

– Бу, – дея, гап бошлади у, – жуда камёб матоҳ. Уни кўлимдан ҳеч қачон туширмайман. Назаримда, бунга ўхшаш соатлар дунёда фақат икки ёки уттагина нусхада бўлиши мумкин.

Чекмарев эса, унга қараб жилмайди.

– Сиз соатингиз ҳақида мактовни ўта ошириб юборяпсиз, шекилли. Ҳозир мен ҳам сизга худди шунака соатни кўрсатиш им мумкин. Улар сиз ўйлаганчалик камёб эмас.

Ольховский ишонкирамай бошини чайқади.

Сиз уни каердан топасиз? Кечирасиз-у, мен бунга ишонмайрок турибман...

Ихтиёриңгиз. Хоҳласангиз гаров ўйнаймиз?!

Бажонидил... Қачон олиб келасиз? Лекин, уларнинг бу гаров ўйини йигилганларга умуман қизик эмас эди. Шу пайт уларнинг бу тортишувини кузатиб, ҳафсаласи пир бўлган ясовул Сиротко Ольховскийнинг ёнига келиб, уни дарвоза ёнига етаклаб борди-да:

Менга қаранг, типратикан каллалар, ўтирган жойла-рингда ҳар қанақа бемаъниликларни ўйлаб топаверманглар. Бу ерга нима учун йигилганмиз. Ичишми, ичиш, ичиш бўлса ичайлик, агар ичмасак, бундан кўра карта ўйнаганимиз яхширок...

Ичкиликтозлик янада авж олиб, давом этди. Тўсатдан Кожин ўзининг дўриллаган овозида буйруқ берди:

Кани драбантлар – бу ўтиришимизнинг ҳаммаси бекор! – дея, хитоб килди у. (Драбантлар, ёки навкарлар, чор армиясидаги офицер хизматидаги аскарлар эди) Эшикларни кулфлаймиз. Чикчириллар (гусарлар кийган тор шим) чикиб кетсин! Ром келаяпти!..

Хизматкорлар шу захотиёқ хонадан чиқариб юборилди, эшиклар қулфланиб, олов ўчирилди.

....

Катта қозоннинг оғзига айқаштириб кўйилган учта қиличнинг устига бир бўлак қанд бўлагини кўйиб, жойлаштиришди. Ром кўк оловда лоп этди ва штаб-ротмистр Иванов 1 чи ўзининг йўғон овозини барадла кўйиб, бақира бошлади:

Қадим гусарлар қайда?  
Ботир гусарлар қайда?

Биз ҳам унга кетидан ўхшар-ўхшамас овозимиз билан пайдар-пай жўр бўлдик. Куйидаги:

Бурунлари кизарган,  
Боболар ёдга тушар  
Гулхан атрофида жам,  
Чўмич хўплаб ичишар.

шу жумла айтилгач эса унинг овози бирдан қалтираб кетди ва шундан сўнг қўшикни аввалгидан-да дўрилланган, бузукроқ овозда айта бошлади. Ром ҳали ҳам тайёр бўлмаган эди, шунда тўсатдан ясовул Сиротко ўзининг пешонасига кўли билан бир уриб, кийқириб юборди:

– Огалар! Типратикан каллалар! Ахир, буткул унубибман, ахмоқ бўлиб колибман-ку. Тезда чопишим керак, йигитлар!

– Ўтири, ўтири, яна нима ўйлаб топдинг, яна нималар деб алдаяпсан, – деди, штаб-ротмистр Иванов 1 чи.

– Худо ҳакки, азизларим югурмасам бўлмайди... рухсат беринглар, типратикан бошлар. Соат саккизда тайёр бўлиши керак эди, мен зудлик билан, албатта, қайтиб келаман. Ольховский, қани бир соатингни чалчи, ҳозир соат неча бўлибди?

Ольховский коронғуликда соатини кидиришга тушди, унинг шитирлатиб, чўнтагини ковлаганини бошқалар ҳам эшитди.

Шунда у бирдан, хавотирга тушиб,

– Ана бўлмаса! – деб, юборди.

– Нима бўлди? – сўради, фон Ашенберг.

– Соатни топа олмаяпман. Ментигимни (гусарлар елкасига ташлаб юрадиган калта кийими) ечганимда олдимга кўйган эдим.

– Қани, жаноблар, ёруғ килиб туринглар-чи!

Олов ёкилди, йиғилганларнинг барчаси бирданига соатни кидиришга тушди, лекин у ҳеч қаерда йўқ эди. Вокеанинг бундай кечиши ҳаммага нокулай бўлди, ҳатто ўша пайтда бир-бировга кўзимиз тушишидан кочардик.

– Охирги марта қаерга кўйган эдингиз? – сўради фон Ашенберг.

– Эшик ёпилган заҳоти... мундиримни ечдим-у ёнимга кўйиб кўйдим, чунки коронғуликда соат неча бўлганига караб тураман, деб ўйловдим...

Атрофдагиларнинг барчаси жимиб, бошини қуии согланча, ерга караб колишди. Шунда Иванов 1 чи мушти билан столга шундай каттиқ урдики, зарбидан стол устидаги рюмкалар жаранглаб, ерга тушди.

– Жин урсин! – дея, бакирди бўғик овозда, – қани, кидиринглар, шу ярамас соатни топмасак бўлмайди. Қани йигитлар, столнинг ости, усти, ўриндиқларнинг таги, ҳеч қаер колмасин. Қандай килиб бўлса ҳам, соатни топинглар!

Биз йўқолган соатни тахминан чорак соатча қидирдик, лекин ҳаракатларимизнинг бари бекор кетди! Ольховский эса саросимага тушиб, хижолатдан ҳар дақиқада “Эҳ жаноблар, кўйинглар шу соатни, керак эмас... жин урсин, керак эмас, жаноблар...”, деб кайтарар эди. Лекин Иванов I чи унга қараб кўзини кўрқинчли бақрайтирганча, бакириб берди:

— Ахмок! Сенинг соатингга тупурғанмиз. Ахир, нега тушунмаяпсан, бу ерда ҳамма ўзимизниклар-ку, хеч қанақа бегона ёки бирор хиз-мат-кор-лар йўқ эди, нима учун топишимиз кераклигига энди ақлинг етгандир!?

Хуллас, шу бадбаҳт соатни топамиз деб толикиб, сиқилиб кетдик ва ҳаммамиз стол атрофида хориб ўтириб қолдик. Кожин ўтирганларнинг барчасига ҳорғин, норози нигоҳ билан бирма-бир қараб чиқди ва зўрға эшитилар-эшитилмас,

— Энди нима қиласиз, жаноблар! — дея, сўради.

— Энди нима килиш ўзингизга ҳавола, майор — деб, жиддий оҳангда эътиroz билдириди Иванов I чи. — Чунки, сиз орамизда ҳаммамиздан ёшингиз улуғ, аммо қандай қилиб бўлса ҳам, соат топилиши шарт.

Охири шундай бир холосага келинди, хуллас бу ердагиларнинг ҳаммаси ўзини тинтув килдиришга рухсат берди. Биринчи бўлиб тинтувга ясовул Сиротко, ундан кейин штаб ротмистр Иванов I чи келди. Кекса гусарнинг юзи ва қилич зарбидан қолган чандик изи буткул кизариб кетган эди. Қилич изи оқарган боши бўйлаб, пешонасидан ўтган оппок йўғон чизик бўлиб, яккол кўзга ташланиб турар эди. Қалтираётган кўллари ёрдамида чўнтагини шундай куч билан ағдардики, ўзининг бу ҳаракати билан худди чакчирини ечиб отадиганга ўхшаб кетди. Мўйловини тишлаганча:

— Уят! Қандай хунук бўлди! Н чилар биринчи марта бир-бирини тинтув қилиши! Аммо, соchlаримга ок туш-

ган чоғда, мен учун бу ахволни күриш жудаям уят... – деди, у ғұдрапиб.

Шу тарика бизни хам бирин-кетин тинтув қилишди. Четда ёлғиз Чекмаревнинг ўзи қолди.

– Қани, Федюша, келакол, тортина... ўт, нима бўлди, сенга? – дея, уни эркалаган каби, чакирди, каттиқўл Иванов 1 чи, ғазаби қайнаб, бир оз тутиб хам юборди.

Чекмаревнинг ранги бутунлай оқариб кетган, унинг лаблари учиб, деворга қаттиқ ёпишиб, суюнганича жойидан кимирамай турарди.

– Боракол, Чекмарев, – унга далда беришга уринди майор Кожин.

– Ахир ўзинг кўраяпсан-ку, ҳамма текширувдан ўтди...

Чекмарев секин бош сермади. Ўша кездаги унинг кандай кўркинчли тиржайганини шу пайтгача эсимдан чиқаролмайман. Лабини кийшайтириб, буриштирганча, кийналиб, бўғилиб, зўр-базўр айтган гапларини ҳам:

– Мен... ўзимни... тинтув қилишларига... йўл қўй-майман...

Штаб-ротмистр Иванов 1 чи бирданига унга ялт этиб қараб:

– Қанакасига, жин урсин! Бешта кекса офицер ўзини тинтув қилишга йўл қўйиб берди-ку, сен кўймайсанми!? Юзимдаги ажинларни кўраяпсанми? Тишларимнинг тушиб кетганини ҳам қара... бироқ мени ҳам тинтув қилиб, кидиришди. Нега энди сенга мумкинмас, хайронман, биздан ниманг ортиқ? Ёки сенинг иззат-обрў, қадр-киммат тўғрисидаги тушунчаларинг бизникига нисбатан анча нозикми? Ҳозироқ кел бу ерга, Федъка, эшитяпсанми?

Лекин Чекмарев яна бошини чайқади:

– Йўқ, бормайман! – дея шивирлади у.

Унинг қилт этмаётган ҳаракати, жонсиз кўз караши ва хавотирли жилмайиши қандайдир вахимага тўла эди.

Шунда Иванов 1 чи овозининг оҳангини ўзгартириди ва ялинчоқ майин оҳангда гапира бошлади. Бунакасини маст бўлиб қолган кекча чол ва қўпол солдатдан ҳеч ким кутмаганди:

– Федюша, жоним болам, тентакликни қўйсанг-чи энди! Ўзинг биласан-ку ахир, мен сени ўз ўғлимдай яхши кўраман. Қўйсанг-чи азизим, сендан илтимос... балки, сен қандайдир... балким, шу ахмокона гаровни деб... тушуняпсанми, ёки ҳазиллашдингми-а? Тўғри, балки ҳазиллашаётгандирсан, албатта ҳазиллашаяпсан, аммо, Федюша, сендан илтимос...

– Шунда Чекмаревнинг юзи аввалгидан ҳам баттар-рок кип-кизариф кетди ва шу заҳоти у орқага қараб тисарилди. Лаби қалтирай бошлади. Жим турганча, ўша аянчли ахволида яна бошини силкитди... Орага даҳшатли жимлик чўкди ва факат майор Кожиннинг ғазаб билан пишиллаб нафас олиши сукунатни бузиб турарди.

Иванов 1 чи кўкрагини тўлдириб, чукур “ух” тортиди. Чекмаревдан кўзини бошка томонга олиб, ёнбошга қайрилиб, бўғиқ овозда:

– Унда ихтиёeringиз, бу вазиятда, поручик, нима килишни ўзингиз яхши биласиз... сизнинг ҳақ эканлигинизга шубҳа қилмаётган бўлсак-да... биласизки... (у шу пайтда Чекмаревга бир разм солди ва тезлик билан яна бошка ёкка қаради), биласизки, бизнинг орамизда қолишингиз нокулай бўлади...

Чекмарев ўрнидан кўзгалди. Худди ерга гурсиллаб кулаб тушадигандек, қалқиб кетди, аммо ўзини ўнглаб олди ва чап қўли билан шамширини ушлаганча, тўғрига тик қараб, бир нуктадан кўзини узмасдан, худди ой-

параст (лунатик) одамдек секин эшик томон юриб кетди. Биз эса чурк этмай, уни ўтказиб юбориш учун четга чикиб, йўл бердик.

Энди ичклиликбозликини давом эттириш тўғрисида гап бўлиши мумкин эмас эди. Фон Ашенберг хам “чурк” этмади. У хизматкор, навкарларни чакириб стол устини йигиштиришни буюрди.

Барчамизning кайфимиз бутунлай тарқаб, нокулай, ғамгин ахволга тушиб қолган эдик. Негадир, ҳаммамиз бирга худди орага чўккан жимлик ичра яна нимадир содир бўлишини кутиб ўтиргандек эдик.

Шунда тўсатдан Байденко деган, бир мезбоннинг хизматкори кийкириб юборди:

Бу сизнинг соатингизми?

Ҳаммамиз ўша томонга югурдик. Ҳақиқатан хам ерда, ром учун тайёрланган козончанинг тагида Ольховскийнинг брегет соати ётар эди.

Жиним биладими, мийиғида ғудранди ҳайратда қолган граф, – менимча, коронгулиқда оёғим билан билмай ўша ерга тепиб юборгандирман.

Хизматкор бўлаётган ишларни бемалол тахлил қилиб олишимиз учун иккинчи марта хам хонадан чикиб кетди. Бу воқеадан кейин орамиздаги ўшларнинг барчасининг Чекмарёвга ичи ачили, раҳми келди, бироқ қариялар бу вазиятни бошқача шархлай бошладилар:

– Йўқ жаноблар, у бу ҳатти-ҳаракати билан бутун полкни писанд қилмай, ҳаммамизни ерга уриб кетди, – деди, йўғон ва катъий овозда майор Кожин. – Нега биз ўзимизни тинтуб килишларига рухсат бердигу, у бўлса унамади? Йўқ, у энди N инчилар полкини тарк этиши керак ва тарк этади хам.

Фон Ашенберг, Иванов 1 чи ва ясовул хам Чекмарёвга ачинсалар-да, бу фикрни маъқуллашди. Шун-

дан сўнг барчамиз аста-секин, ҳеч бир сасу садосиз, худди азадан қайтаётгандек тарқала бошладик. Ташқарига чикқач, бир-биrimиз билан хайрлашиш учун эшик олдида тўхтадик.

Кимдир йўлак бўйлаб фон Ашенбергнинг уйига караб шошганча югуриб келаётганди. Иванов 1 чи ҳаммадан аввал уни таниди. У поручик Чекмаревнинг навкари эди. Солдатнинг бош кийими тушиб колган, кўринишидан жуда ваҳимага тушганди. Ҳали етиб келиб улгурмасиданок зўрға эс-хушини йифолмай, бақириб келарди:

— Ваш-скородъ!.. баҳтсизлик!.. Поручик Чекмарёв ўзларини отиб кўйдилар!

Биз югуриб бориб, Чекмарёв яшаб турган хонага отилиб кирдик. Эшик қулфланмаган, Чекмарёв ерда, ёнламачасига узала тушиб ётибди. Пол буткул конга бўялган, икки қадам нарида дузэлда ишлатиладиган катта пистолет ётарди. Шунда мен ўз жонига қасд килиб, ўлимини ўзи чақириб олган, танаси тош қота бошлаган, одамнинг ниҳоятда кўркам чехрасига тикилиб, ҳайратландим. Ўша кийноқ ва азоб ичида ҳеч кимниги ўхшамаган, ўзгача кулгуси унинг лабларига муҳрланиб қолганди.

— Қаранглар-чи, бирор хат қолдирмадимикин... деди, йиғилганлардан аллаким.

Ҳакиқатда ҳам ёзув столи устидан унинг ёзиб қолдирган номасини топишиди. Хатнинг устига нимадир бостириб кўйилган эди... нима, деб ўйлайсан, биласанми?... тилла соат, брегет. Ва энг даҳшатлиси, унинг брегет соати икки томчи сув каби граф Ольховскийниги ўхшаш эди.

Бу номани мен ёдан биламан. Унда шундай битиклар бор эди:

“Алвидо, кадрдон дўстларим. Худо ҳакки, Исо  
Масих чеккан азоблар ҳакки, қасам ичиб айтаманки,  
ўғирликда менинг айбим йўқ. Мен чўнтағимда худди  
Граф Ольховскийнинг брегетига ўхшаш соат тургани  
учунгина ўзимни тинтуб қилдиришга рухсат беролма-  
дим. Мендаги брегетим раҳматли бобомдан мерос бў-  
либ қолган. Афсуски, ҳозирги кунда ҳаётимда менга  
гувоҳлик берадиган яқинларимдан хеч ким қолмаган,  
шунинг учун ҳам мен иснод ва ўлим ўртасидаги шу  
йўлни танлашга мажбур бўлдим. Мабодо, Ольховский-  
нинг соати топилиб, менинг айбсизлигим исботланса,  
штаб-ротмистр Иванов 1 чидан нарсаларим, куролим  
ва отларимни эсадалик учун менинг азиз дўстларимга  
тарқатиб беришини ва брегетимни эса ўзида қолдири-  
шини илтимос қиласман”.

Охирида имзо.

Бу воеани айтиб тугатгач, амаким Василий Филипп-  
ович чирокнинг соясига бутунлай сингиб кетгандек  
бўлди. Узок вакт йўталди. Ва ниҳоят, тўхтаб, охирида:

— Мана кўрдингми болажоним, ҳаётда қандай кутил-  
маган тасодифлар чиқиб қолиши мумкин, — дея қўшиб  
кўйди.

Константин Паустовский

## АКВАРЕЛЬ БҮЁҚЛАРИ

Бергнинг ёнида “ватан” сўзини айтишганларида, бу сўзният мөхиятини унчалик хис қилолмай, тушунмаганлигидан шунчаки кулиб кўяр эди. Ватан – ота-боболар яшаб ўтган мукаддас тупрок, инсоннинг туғилган жойи, дейишади. Аслида-ку унинг наздида инсон дунёнинг қайси жойида туғилишининг фарки йўқдек, масалан, бир ўртоғи Америка ва Европа ўргасидаги океанда сузуб кетаётган пайтда, пороходда туғилган эди.

– Бундай инсонларнинг ватанини қаерда, деб аташ мумкин? Нахотки у океан, шамол таъсирида тундлашиб, юракка хавф-хатар солиб дилгир этиб турувчи сув сатхи бўлса? – дея, ўз-ўзига савол берарди Берг.

У океан нималигини яхши биларди. Парижда сурат чизишини ўрганиш учун ўқиган кезларида Ла Манша кирғоғида яшаган эди. Ўша пайлар океан унга ўта ётва бегона туйилганлиги ҳеч ёдидан чиқмайди.

Ота-боболар яшаб ўтган жой! Берг у ҳақда ўйлар экан, кичик Европада жойлашган бобоси яшаган ўша шаҳарчага нисбатан ҳам қалбида ўзи ёки болалик чоғларига боғлик бўлган ҳеч қандай ўзгача бир илиқ туйғуларни хис қилолмайди. Ҳар гал бу ҳақда хаёл сурганида Днепр бўйидаги ўша шаҳарчада яшаб, умри давомида этикдўзлик қилган бобосининг кўзларини йиллар ўтиб, ўша ерда этикдўзларнинг пишиқ или ва каттиқ бигизи кўр килиб кўйганлигини аниқ эслайди холос.

Қадрдон шаҳар, деганларида эса, негадир унинг кўз ўнгидаги доимо рассом томонидан яхши ишлов берилмаган, охиригача тўлиқ чизилиб улгурилмаган, туравериб эскириб, ранги ўчиб кетган бир сурат гавдаланаарди. У канча уринмасин, бу туйғуга нисбаттан чанг босиб, қуриб ётган тераклар ва ошхонадаги овкатдан сўнгти ювиндининг ўзига хос хиди, олис осмон бағрида сузиб юрувчи хира булутлар ёки машқ пайтида солдатлар казармасидан эшитилиб турдиган турли овозлардан бўлак бошка хеч қандай нарсаларни тасаввур килолмасди.

Фуқаролар уруши йилларида жанг килган жойлари, манзилларини аниқ эслолмайди.

– Мана, яқинда оқлар қўлидан ўзимизнинг жонажон ерларимизни, ватанимизни тортиб оламиз. Отларимизни қадрдон Дон дарёсининг сувидан мириқтириб суғорамиз, дея жангчиларнинг кўзлари чараклаб, қувониб уни кучиб кутлашганида Бергнинг энсаси қотиб:

– Каёқда, бу гапларнинг ҳаммаси шунчаки сафсата! Биз каби инсонларнинг ҳақиқий ватани ҳам йўқ, бўлган ҳам эмас, деган эди кулиб. Унинг бу гапига эса:

– Эх, Берг, қалбинг бунчалар қаттиқ бўлмаса! Сен жудаям ғалати инсонсан. Сендан қандай қилиб янги ҳаётни барпо этувчи жангчи чиқиши мумкин, қачонки сен ўзинг яшаб турган ерни, она заминни ҳис килмасанг, севолмасанг. Сен бундай қалб билан қандай қилиб ҳақиқий рассом бўласан! – дея, норози оҳангда унинг сўзларига жавоб беришган эди жангчилар ўшанда.

Балким, шу сабабдан ҳам унинг атрофини ўраган ажиб табиат ўзининг ҳақиқий хусни жамолини, тароватини яшириб тургандир. Шу сабаб ҳам Берг канча уринмасин, ўзи севган пейзаж жанри устида ижод килолмади. Сўнгра, у портрет ва нихоят плакатлар жанрини танлаб, шу йўналишда ижод килишга мажбур бўл-

ган эди. Бир неча бор янги замонавий йўналиш излаб топишга харакат ҳам килиб кўрди, аммо унинг барча уринишлари, ўзига тушунарсиз тарзда бефойда бўлиб чиқди.

Умрининг кўп йиллари худди шамол каби ўша пайтларда шўролар мамлакати деб аталмиш МДХ давлатларида ўтди. Ҳаёт чархпалаги эса тақдирнинг турли паст-баландликларига дуч келиб, тиним билмай айланарди. Аммо, унинг атрофини янгидан-янги, Берг учун унчалик тушунарли бўлмаган мухаббат, нафрат, мардлик ва албагта, ватан туйғуси каби ранг-баранг хислар ўраб, айланиб юраверди.

Эрта куз фасли эди. Шундай кунларнинг бирида Берг рассом Ярцевдан хат олди. Хатда айни дамда ёз пайтини Муромск ўрмонларида ўтказиб, дам олишда давом этаётган Ярцев уни ҳам ёнига келишга таклиф килди. Берг Ярцев билан дўст эди. Бунинг устига анчадан бери Москвадан бошка жойга чикмаганди. Шундан сўнг, кўп ўйлаб ўтирмай, унинг ёнига боришга карор килди-ю, жўнаб кетди

Владимир шаҳридан кейинги бекатда тор изли темир йўл поездига ўтиб олди.

Бу йил август ойи жуда иссиқ ва шабадасиз келганди. Поезд вагонининг ичини қора жавдар унидан тайёрланган ноннинг ёқимли бўйи тутиб кетганди. Берг вагоннинг зинапоясида ўтириб олиб, мирикиб нафас олди. Шу чоғ гўёки унинг кўкси ҳаводанмас, балки қуёшнинг ажиб нурларидан тўйинаётгандек эди.

Очилиш мавсуми тугаб, бирин-кетин куриб бораётган оппоқ чиннингуллар ўсиб ётган кенг дала бағрини чигирткаларнинг овози тутиб ётарди.

Ярцев одами йўқ бу бекатдан анча олисда, катта бир кўлнинг кирғоги бўйида, ўрмончининг ёғоч уйини ижарага олиб дам олаётган эди.

Берг миниб олган ғилдиракли арава калин күм устида куриб ётган илдизларни ғичирлатиб босганча, одимлаб борарди. Ўрмон орасидан зарғалдоқларнинг хорғин хониши эшитилиб турар, сарғайган япроқлар дамо-дам йўл юзига тўкилар, оппоқ тиник булутлар эса осмоннинг олис бағрида, узун бўйли мачтабоп қарағайлар тепасида сузиб юарди.

Бирпасдан сўнг у араванинг устида чалқанчасига ётиб олди. Негадир унинг юраги оғир ура бошлади.

«Ҳаво таъсир қиласптимикин»? – дея, хавотирланди Берг.

Шу чоғ унинг кўзлари ногаҳон қуюқ ястаниб ётган ўрмон дарахтлари ортида мовий чайқалиб турган кўлга тушди. Кўлнинг суви жимир-жимир мавжланиб, ҳайратланарли даражада худди уфқ бўйлаб кўтарила-ётгандек киялаб ёйилиб турарди. Унинг ортида эса туман ичра қайнин бутазорлар кўзга ташланди. Кўл узра тарқалган туман яқиндагина ўрмондаги ёнғиндан сўнг пайдо бўлган эди. Сувнинг юзига тўкилиб, йигилиб қолган япроқлар уюми эса худди кора қалин картон қоғоз каби сузиб юарди.

Берг кўл бўйидаги ушбу ажойиб кирғокда бир ой яшади. Бу ерга у факат дам олиш мақсадидагина келган эди. Шунинг учун ҳам ўзи билан расм чизиш учун ёғ бўёкларини олиб келмаган, аммо ҳар эҳтимолга қарши бир кутичада Лефранка деб аталувчи француз акварель бўёкларини келтирган эди. Парижда яшаган пайтларидан бошлаб саклаб келаётган бу бўёкларни у жуда эҳтиёт қиласарди.

Бугун куни бўйи кўм-кўк майсалар қоплаб ётган кенг дала кўйнида чўзилиб олиб, ундаги ранг-баранг турли ўсимликлар, турфа гулларни завкланиб томоша килди. Айниқса, аллакандай майда қоп-кора мевачала-

рини кирмизи гулкосалар барги орасига яшириб ўса-  
ётган бутачалар унинг ҳайратини янада ошириди.

Берг наъматак мевалари, нинабаргли қора арчалар, лимонўтлар барқ уриб, хушбўй таралиб ётган дала бағрига гиламдек тўкилган тоғтеракларнинг узун баргларини, нафис бўй чўзиб, тебраниб турган чиннигулларни териб завкланди. У шундай кузги япрокларни кўлига олиб, диккат билан кузатаркан, совуқ таъсирида намчил сарик япроклар оҳиста кумушрангда корая бошлаганлигининг гувоҳи бўлди.

Ён атрофини ўраб турган ажойиб ўзига хос бетакрор манзаралар, кўл юзига урилиб сув қўнғизларининг учеб юргани, хира тортиб мавжланаётган тўлқинлар бағрида баликларнинг ўйнаб, сузиб юриши, мавсумнинг барқ уриб очилиб ётган сўнгги гулларининг худди тўқ рангли ойна устида қотиб қолган каби сокин сувнинг юзида қалкиб тургани унинг ҳайратини янада ошириб, калбини бутунлай мафтун этиб кўйди.

Шундай иссиқ кунларнинг бирида Берг ўрмон ичидан келаётган ғалати бир титрок овозни эшлитиб қолди.

У овоз келаётган томонга диккат билан кулоқ соларкан, вужудини алланечук хавотир эгаллади. У ёқдан гўёки жазирама иссиқда курукшаган майсалар, турили учеб юрувчи қўнғизлар-у, чигирткаларнинг овози бир-бирига кўшилган сози, ўзгacha беўхшов товуш келаётганлигини сеза бошлади. Кунботар тарафда кўлнинг устида эса турналар галаси куркурлаб, жануб томонга учеб кетаётган эди.

Бу ерда ҳар доим турналарнинг учеб кетаётганлигини кўриб колишганида, унинг ёнида доимо ҳамроҳлик килиб юрган ўрмончининг ўғли Ваня Бергга қараб:

– Менимча кушлар бизни ташлаб иссиқ тарафларга учеб кетаяпти-ёв, деб кўярди.

Бу гал эса унинг назарида турналарнинг ўрмонни тарк этиб, учиб кетаётганлиги гёё бу гўзал, бетакрор маконга хиёнат килаётган соткинларнинг ишидек туйилиб кетди ва уларга нисбаттан қалбида алланечук норозилик хиссини тыйди. Турналар бундай сувлари зилол, мўл-кўл, сокин оролни, шундай кўркам бағрикенг саҳий ўрмонзорни, куз қўйнида барглари сарғаяётган бутазорлар, ахён-ахёнда бир маромда гумбурлаб турувчи, куз ҳавосида ўсимликлар елими аралаш дараҳтларнинг хушбўйлари тарагиб турган бу каби қадрдан жойларни қандай қилиб кўзи кийиб ташлаб кетиши мумкин, дея ўйларди.

— Фалати! — дея ўз-ўзича койинди Берг. Бу галги кун сайин тобора бағри бўшаб, сийраклашиб бораётган ўрмонга караб пайдо бўлган кўнглидаги бу норозилик хисси илгаригидек кулгили туйилмади унга.

Шундай кунларнинг бирида Берг ўрмонда сайр килиб юрганида Татьяна исмли кампирни учратиб, у билан танишиб қолди. Сўнгти кунлар у Татьяна момо билан куни бўйи бирга юриб, унинг бамайлихотир сўзлаб берадиган сухбатларини узоқ тинглади.

Кампирнинг сухбатларидан бу жойлар ўрмоннинг энг тинч, сокин жойлари эканлиги ва бу ерлар қадимдан ўзининг рассомлари билан ном чиқарганлиги ҳакида билиб олди. Татьяна атрофда ўсиб ётган ҳар хил буталарнинг номларини, бу ерда ясалган қадимги ёғоч қошиклар, тилла ва маҳсус қизил бўёқ суриб тайёрланадиган идишларнинг номларини бирма-бир айтиб берди. Берг бу атамаларни умрида биринчи марта эшитиб турганлигиндан кампирнинг ёнида хижолат чекиб, кизариб кетди.

Берг табиатан камгап эди. У ҳар замон Ярцевга битта ярим сўз ташлаб кўярди холос. Ярцев эса куни бўйи кирғоқ бўйида ўтириб олиб, мирикиб китоб ўқирди.

Унинг ҳам севган машғулотидан бўлиниб, унчалик ҳам сўзлашгиси келмасди, албатта.

Сентябрга келиб ёмғир ёға бошлади. Майсалар устига томаётган ёмғир томчилари шилдираб тўкиларди.

Ёмғирдан сўнг ҳаво исигач эса, ҳамма ёқни қирғок бўйида ўсаётган камишларнинг ёввойи, ўткир бўйи ва худди хайвонларнинг нам терисининг хидига ўхшаш бўй тутиб кетди.

Туни билан сокин ўрмон кўйнида худди куз давомида унинг тақдирига шу ўрмон мамлакатининг устидан майдалаб томчилаб туриш ёзилгани каби ёмғир шувиллаб ёғар, қоровулхонанинг юпқа томи-ю ва ундан кайгадир элтувчи йўллар, бу атрофдаги бирор жой ҳам унинг назаридан четда колиб кетмас эди.

Кунларнинг бирида Ярцев шахарга кайтишга чоғланди. Бундан Бергнинг жаҳли чикиб, хавотирга туша бошлади. Ахир куз мавсумининг шундай ажойиб қизиқарли палласидан кечиб, кўнгил узиб қандай қилиб жўнаб кетиш мумкин. Унинг назарida Ярцевнинг кетиши тўғрисидаги бу истаги ҳам худди турналарнинг бу жойларни тарк этиб, учиб кетаётгани сингари хиёнатдек туйилиб кетди. Наҳотки, шунчаки бир йўсинда бу каби кенг ўрмонларга, зилол сувли қўлларга, тароватли бетакрор куз фаслига ва ниҳоят илиқ мовий осмонга, майдалаб майин ёғаётган ёмғир томчиларига хиёнат қилиш шунчалар осон бўлса?

— Мен хали кетмайман, шу ерда қоламан, — деди, Берг қатъян. — Ихтиёргиз, сиз кочиб кетаверишиниз мумкин, аммо мен бу ердаги куз фаслининг расми ни чизишни истаяпман.

Ярцев жўнаб кетди. Эртаси куни Берг қуёшнинг илиқ, заррин нурлари юзига туша бошлаган паллада уйғониб кетди.

Ташқаридаги ёмғир тинган эди. Шохларнинг майин соялари тоза беғубор дала бағрида титраб тебранар, эшикнинг ортида эса бутун олам сукунат ичра феруза рангда тиникиб ёғду таратиб турарди.

“Ёғду таратиб” сўзини Берг факат шоирлар китобларида учратган эди ва бу сўзни шунчаки дабдабалар учун ишлатилади, деб ўйларди. Аммо у шу тобда бутун вужуди билан хис этиб, амин бўлди-ки, бу сўз айнан сентябрь осмони ва қуёшининг ўзига хос манзараси, суратига берилган таъриф экан.

Майсалар устига тўкилаётган ҳар бир сарик япроқ қуёш нурида кумуш каби ялтираб турарди. Кенг мовий кўл юзида сокин туман сузиб юрарди. Айланиб, бир маромда эсаётган майин шамол эса ён атрофдан киши димонига энди сўлиб, курий бошлаган ўрмон майсаларининг такир аммо ёкимли ўзига хос хушбўйини олиб келарди.

Берг чойини ҳам ичмасдан кўлига бўёқ ва коғоз олиб, кўл томонга қараб кетди. Ваня уни кирғокнинг янада сокин, олис томонига ўтказиб кўйди.

Негадир Берг жуда шошилаётган эди. Атрофга разм солар экан, ўрмон устига киялаб тушаётган қуёшнинг нури унинг назарида худди бир тутам кумуш толасини эслатиб юборди. Ҳаво очик. Феруза осмон бағрида сўнгти кушлар ўйчан хониш қилас, сийрак, тиниқ булутлар эса кўкнинг энг юксак жойларига кўтарилиб, ҳар томонга қараб таркалиб учаётган эди.

Берг янада шоша бошлади. Шу тобда бор қобилиятини ишга солиб, бўёқ рангларининг кудрати, нигоҳларининг зийраклиги-ю, ҳамма-ҳаммасини токи қалбининг туб-тубида титраб турган сирли титрокларгача қўлидаги қоғознинг юзига тўкиб, кўркам ва салобатли ўрмоннинг улуғворги ва сўзсиз, хокисор тўкилаётган пайтдаги суратини тасвирламоқни ният қилди.

Шунда Берг беихтиёр аллақандай қўшиқ куйлай бошлади. Сўнгра бор овозда фарёд килиб, хайқира кетди ва бутун вужуди билан ишга шўнғиди. Уни хеч қачон бу ҳолатда кўрмаган Вания, хайратдан донг котиб, унинг ҳар бир харакатини кузата бошлади. У Берг ишлаётган бўёкларнинг сувини дамо-дам алмаштириб, кутичадаги бўёклар солинган чинни идишчаларни бирин-кетин унга тутиб турди.

Сукунат ичра кўз илғамас ғира-ширалиқ бир дамда беихтиёр япроқлар юзига келиб қўнди. Барглардаги заррин ранглар жилосига хиралиқ туша бошлади. Ҳаво ҳам тундлашиб борарди. Олисдан пайдо бўлиб эшитилаётган даҳшатли шовуллаш ўрмоннинг у томонидан бу томонига айланиб, каердадир тиниб қолди. Бу ҳолатдан хавотирга тушган Берг жойида котиб турарди.

— Момакалдироқ бошланади! Уйга кетиш керак! — дея кичкирди Вания.

— Кузги момакалдироқ, — дея, кайтарди Берг ва хаёлини бузмасликка ҳаракат килиб, берилиб сурат чишида давом этди.

Аммо, момакалдирокнинг навбатдаги гумбурлаган овози бутун осмонни ларзага келтириб юборди. Тим кора сувнинг юзи бир қалқиб тушгандек бўлди гўё. Ўрмон ичра қўёшнинг сўнгти шуълалари ҳали ҳам ялтираб, ёғду сочиб турарди. Берг янада шошила бошлади.

Вания унинг ортига ишора килиб, кўлини чўзганча:

— Орқага қара, қара, қандай кўркинчли! — деди.

Аммо Берг негадир орқаси томонга ўтирилишга шошмади. Орқа томонидан тобора яқинлашиб, босиб келаётган чанг-тўзон аралаш коронғуликни гўёки елкалари билан сезиб турарди. Аллақачон жала таъсиридан япроқлар учиб, айланиб ерга тушаётган эди. Шундан сўнг майда ўрмон чуғурчуклари кўркувдан пастлаб уча

бошладилар. Бир неча бўёк суриш колганлиги туфайли Берг жуда шоша, ишида давом этаверди.

Ваня унинг ёнига келиб, қўлидан макам ушлаб олди. Берг шу дам шиддат билан гумбурлаб келаётган овозни эшилди. Назарида унинг ортидан гўёки океан ўрмонни босиб, тошиб келарди.

Шунда Берг кўл юзини қоп-коронғу туман қоплаб олганига кўзи тушди. Кўлининг устига биринчи оғир томчи келиб урилди. Сўнгра, чақмок аралаш шаррос жала куя бошлади.

Берг чизган суратини тезда кутига жойлаб, эҳтиёт-корлик юзасидан курткасини ҳам ечиб кутининг устидан ўраб олди. Кўлига эса акварель солинган кутичани олиб, йўлга тушди. Унинг юзларига чанг аралаш ёмғир томчилари келиб урилар, бўрон айланиб, учираётган намчил япроқлар юзи аралаш кўзларига ёпишарди.

Чақмок гумбурлаб, ёнидаги қарағай дарахтини силтаб, ларзага келтирди. Бу манзарадан Берг сал кам хушини йўқотаёзди, бир дам гангиб ҳам қолди. Жала осмоннинг шундайгина пастак жойидан куярди гўё. Улар Ваня билан панага қочишди. Ёмғирдан ивиб, совукдан дийдирашиб, бир соатлардан кейин қоровулхонага етиб келишди. У ерга кириб, Берг қўлидаги акварель солинган кутига караб, унинг ичидаги Лефранка бўёклари тушиб қолганининг гувохи бўлди. Бергнинг ичи куйиб, бўёкларни икки кун жон-жаҳди билан қидирди, аммо тополмади.

Москвага келганидан кейин икки ой ўтиб, йириқ, кингир-кыйшиқ ҳарфлар билан битилган бир мактуб олди.

“Салом ўрток Берг, – дея ёзарди Ваня. – Сиз кетганингиздан сўнг икки ҳафта давомида ҳамма ёқни титиб, бўёкларингизни қидириб топдим. Уни нима қилай, сизга қандай етказай? Ўша ёмғирдан сўнг қаттиқ шамолла-

ган эканман. Энди ўзимга келдим. Отамнинг айтишича шамоллаш ўпкамга ўтиб кетибди. Шунинг учун сизга бироз кечикиб хабар берётганим учун мендан хафа бўлманг.

Агар иложи бўлса менга бизнинг ўрмонимиз, хар хил дараҳтлар ҳакидаги бирор китоб ва рангли қалам юборсангиз. Менинг ҳам сурат чизгим келаяпти. Ҳозир биз тарафларда қор ҳам ёғиб улгурди. Қайси арчанинг тагига қарасангиз қуёнчалар ўйнаб юрганини кўрасиз.

Ёз мавсумида яна бизнинг кадрдон жойларимизга келишингизни таклиф килиб, кутиб қоламиз. Салом билан Вания Зотов”.

Берг Ванядан келган хатга жавоб сифатида унга ўзи иштирок этадиган кўргазманинг таклифномасини юборди.

Бу таклифномани яқиндагина олиб келиб, ундан кўргазмага кўядиган ижодий асарларининг номлари ва улар тўғрисида маълумот беришини сўрашган эди.

Берг столга жойлашиб олиб “Кўргазмага бу ёзда ишлаган акварель этюд – биринчи бадиий манзарамни кўяман”, деган жавоб ёзиб юборди.

Ярим кечаси. Ташқарида ёғаётган оппоқ момик кор дераза рафига тушиб, кўчадаги чироқларнинг фусункор ёғдусида кўзни камаштиргудек ялтираб турибди. Деворга осиб қўйилган соат сокин ва бир маромда урар, кимдир эса қўшни хонадонда роялда Григ\* нинг сонатасини чаларди. Аста- секин мусиканинг дилгир садоси бутун хонани тутди.

Берг Вания ҳакида ўйлар экан, жилмайганча узок ўтирди. У топиб олган Лефранка бўёкларини Ваняга совға килмай бўладими ахир!

Айни дамда Берг қалбида янада тиникиб, ёкимли завқ бағишлиб пайдо бўлаётган сирли, тасвирига, таъ-

рифига сўз топиш кийин бўлган, ватан туйғусини дилдан ҳис этишни, сезишини, кузатишни истаётган эди. Бу туйғу унинг қалбида узок, ўн йиллаб чўзилган инқи-лоб йиллари давомида камолга етган бўлса ажаб эмас. Ёки ён-атрофи ўрмонга бурканган, куз қўйнида сирли мавжланиб турган сокин кўлмикан, ёки унинг устида учиб, куйлаган турналарнинг ажиб кўшиғимикан ёки болакай Вания Зотов сабаб юз бердимикан? У қалбини бутунлай қамраб олган ва айни дамда тиним бермай ға-лаёнга солаётган бу саволларга жавоб топишга унчалик уриниб ўтиrmади. Унинг ёдига ногох жангчиларнинг:

— Эҳ, Берг, қалбинг бунчалар қаттиқ бўлмаса! Сен жудаям ғалати инсонсан. Сендан кандай килиб янги ха-ётни барпо этувчи жангчи чиқарди, качонки, сен ўзинг яшаб турган ерни, она тупрокни севмасант, — деган сўз-лари тушиб кетди.

Ҳа, хақикатан ҳам жангчилар ҳақ эдилар. Берг қалбида пайдо бўлган ватан туйғусига бутун вужуди билан мана энди амин бўлди. Шу тобда у ўзи яшаб турган мамлакатга нафакат онги, шуури, балки бир рассом си-фатида бутун қалби, юраги, ватанга бўлган мухаббати уни нафакат улғайтирганини сезди, балки уни кайта дунёга келтиргандек туйилди. Айни чоғда шунчаки куп-куруқ, маъносиз бўлиб туйилган унинг зерикарли хаёти завқу шавққа тўлиб, олдингидан кўра юз чандон гў-зал ва қадрли туйила бошлади. Унинг бор вужудини забт этган ватан туйғуси, қалбини тўлдириб бораётган хаёт завқи уни янада гўзалликка интилиб, мириқиб яшашга ундаётган эди.

1936

## ОҚ ҚҮЁНЛАР

Ганс Вермель лейтенант Кнопф ротасидаги энг мохир ўғри хисобланарди. Бунга ҳайратланишнинг сира хожати йўқ, аммо кизиги шундаки, Вермелнинг қиёфаси тинчлик замонларидағи оддий ўғрилар кўринишидан мутлақо фарқ қиласади. У тепса тебранмас, шалпайган гавдасини имиллаб аранг кўтариб юрар, кўз қарашлари ҳам анчайин суст, ўта камгап, гапирганда ҳам истар-истамай, сўзлайдиган оддий бир солдат эди. Юрғанида этигини судраб, кадамини гурсиллатиб босар, хириллаб нафас олар, корайиб кетган бармоклари эса, худди ўт олиб портлайдиган бомбалар томининг капасига ўхшаб кетарди. Аммо, Вермель ҳозир кечётган уруш пайтида бармоғининг бундай қўпол ва дағаллигидан ҳеч ҳам хижолат чекмасди, чунки ўғирлик килаётган пайтида товуқларнинг бўйинни учала бармоғини бир килиб ушлаб, бўғиб ўлдиришга жуда қулай эканлигидан мамнун эди.

Баъзан инсонларнинг ўзига хос баъзи бир ғалати одатлари борлигини кузатганмиз. Вермелда ҳам бундай жихатлар етарли эди. У қўлига тушган нарсани аввал обдан хидлаб кўрар, хиди ёқмаганини эса атрофга улоктириб юборарди. Бундан ташқари у кун бўйи тинимсиз ейиши ва ейишдан тўхтамаслиги мумкин эди. Қорни очганини хис килиши учун эса бир марта кучлирок кекиришининг ўзи кифоя киласади ва шу захотиёк яна қўлига илинган нарсани олиб, тановулни давом эттираверарди. Хуллас, қисқача килиб айтганда, у келиб чикиши фашистлар иркидан бўлган ўта синчков, корамтирик кўзли, шафқатсиз, хайвон тоифасидаги калтафаҳам одам эди.

Бир куни Вермель шўролар жанубий шаҳарларининг бирида емак кидириб юрганида, ташландик ветеринар-

лар лабораториясига кириб қолди. Лабораториянинг уриб синдирилган эшиги ёнида кора танли италиялик соқчи туради. У Вермелнинг йўлини милтиқ назаси билан тўсди. Вермель эса қўлидаги милтигининг кўндоғи билан сокчининг жағига бир урган эди, у қаттиқ зарбадан бакириб юборди. Шу заҳоти Вермель унинг яна кўкрагига қараб ҳам зарб билан бир тепди.

— Ўчир овозингни, макаронхўр! Битлики Муссолин!

Шундан сўнг аранг ўзини ўнглаган соқчи милтифи-ни кўтарди-ю ёнига қараб тупуриниб, сўкинганича, хизмат вазифасини бузганлиги учун осилиши мумкинлигига ҳам қарамай, таваккал қилиб турган жойидан узоклашиб, нари кетди.

Лабораториядан хар хил ўткир кислоталарнинг хиди анкиб турап, оёқ остида папирос қоғозининг қалинлигидек келадиган шиша идишларнинг синиклари сочилиб ётарди. Хонанинг бурчагига эса бир канча қафаслар жойлаб кўйилган.

Вермель хавони бир-икки хидлади-ю этигини дўкиллатиб, жун ва гўнг хиди келаётган қафаснинг яқинига борди. Унда патирлаб, югуришаётган куёнчаларга кўзи тушди. Уни кўрган куёнлар ҳам қафасдан бурунчаларини чикаришиб, немис аскарини хидлаганча, қизил кўзларини милтиратиб, унга қараб туришди. Вермель куёнчаларни санаб кўрди, улар саккизта эди. Шундан сўнг қафаснинг эшигини суриб очди-да қуёнларнинг бирини қулоғидан ушлаб ташқарига олиб чиқди, сўнга иккинчисини, кейин учинчисини... Бу взвод учун ажойиб тушлик эди, тушлик бўлганда ҳам майнингина гўштдан, байрамона тушлик!

Кнопф ротаси лейтенант Спалеттининг итальян овчилари ротаси ёнида жойлашган эди. Кечга бориб Спалетти ротасидагиларнинг орасида кўшни немисларнинг

аёвсизларча күёнчалар гүштига тўйиб-бўкиб олишгани тўғрисида гап кетди.

Шунда бурчакда ўтирган соқчи бугун ҳақиқатан бир немис солдати келиб, уни милтиқ билан уриб, лабораториядаги барча қуёнларни ўғирлаб кетганлигини айтди. Ба у аскарнинг ўша ернинг ўзидаёк қуёнларнинг бошини мармар столга уриб ўлдиргани, сўнгра уларни ўзининг битлаб кетган курткасига ўраб олиб кетганини сўзлаб берди. Буни эшитган Спалетти соқчига қараб, шошмай тур, сен ҳам ҳали бунга жавоб берасан, отиб ўлдириласан, дея пўписа килди ва у шу заҳоти лейтенант Кнопнинг олдига хабарчи юборди.

Эски, тўкилиб кетган кино залининг ўртасида қуён гүшти тегмай алам қилиб қолганлар ва уларнинг ёнида қуён гүштидан бўкиб, тўйиб олган ўн нафар немис солдати думалаб ётарди. Вермель эса нукул кекиринар, атрофини тўлдириб тупуриб ташлаган эди.

Кимдир этиги билан эшикни ташқаридан каттик тепди. Эшик очилиб кетди.

– Тур ҳамманг! – дея кичкирди, эшик олдида пайдо бўлган лейтенант Кнопф аёлларникига ўхшаш чинкириқ овози билан ва ичкарига полк врачини ўтказиб юборди. – Тур ўрнингдан, итваччалар!

Аскарлар зўр-базўр, оғринишиб ўринларидан туришли, қай бирлари керилишди. Кнопф этигини тортиб, тўғирланиб, қатор бўлиб саф тортган аскарлар ёнида тартибда белгиланган масофада оҳиста қадам ташлаб юра бошлади.

– Қани, йигитлар, – деди, мулойимлик билан, – эшитишимча, орангизда кимлардир қуён ўғирлаб ебди? Ҳеч бўлмаганда унинг орқа оёгини бўлса-да лейтенантига мурувват қилса бўлармиди?

Аскарлар жим туришарди. Чунки бу маҳалда лейтенантнинг гаплари уларга ёқмаётгани аник эди.

— Куёнларни еган ким? — дея, сўраб қайта қичқириди лейтенант ва бу гал унинг овози ҳамма ёкни бузиб юборди.

Аскарлар турган оёқларининг унисини бунисига алмаштиришиди, аммо, бирортасидан “чурк” этган садо чикмади.

— Кўринишидан, бўкиб қолганингиздан тилингиз ҳам айланмаяти шекилли, — деди, хотиржамлик билан лейтенант. — Ҳар бир немис солдати жойлик ахолидан тортиб олинган парранда ва чорва молларини тановул килиши мумкин, аммо ундан олдин оғзингизга нима тиқаётганингизни бир фаҳмлаб кўрсангиз бўларди-ку! Ахир итваччалар, нахотки бирортангиз бу ҳайвонлар лабораторияси эканлиги ҳақида ўйлаб кўрмадингиз. Хуллас, сиз еган қуёнлар тажриба учун қутуриш касали билан заҳарлантирилган экан.

Бу гапни эшитган аскарлар сесканиб кетишиди, бироқ индамай, жим тураверишиди.

— Куёнларни ким еди? Аскарлар қимир этишмади.

— Айтинг, аҳмоқ бўлманг! — деди, ниҳоят полк врачи. — Сизлар итальян эмассизлар. Биз сизнинг фойдангиз тўғрисида кайғураяпмиз!

Куён гўштини еганларни бошқалардан ажратишимиз зарур, чунки улар фронт ортига олиб борилиб, қутуришга қарши эмланиши керак.

— Фронт орти! — дея, хайкирди, лейтенант. — Мана кўрдингизми, нима килиб кўйганларингни, ярамаслар! Охирги марта буюраман, ким куён гўштини еган бўлса, уч қадам олдинга чиқсин!

Биринчи бўлиб Вермель қадам ташлаб, олдинга чиқди. Шунда лейтенант турган жойидан бир сапчиб, ундан ўзини олиб кочди. Бутун саф питирлаб, орадан кимлардир ғоз судралиш килиб, уч қадам олдинга чика

бошлашди. Улар йигирма икки нафар эдилар. Ха, биз ўша, саккизта қүённи еб, паккос туширғанлар, деб мана шу йигирма икки солдат сафдан ажралиб чиқди. Улар учун дастлаб кечәётган воеалар, худди кутылганидек амалга оша бошлади. Аввал буйруқ бўйича вактинча қуроллар топширилди. Шундай қилиб, уларнинг ичидаги ўнта ҳақиқий қуён еган айборлар индамай, ўзларига яна ўн икки нафар оч ва айбсиз, яъни “қуён воеаси”да иштирок этмаган аскарларни ҳам қўшиб олишди, – чунки, қандай баҳона сабаб бўлмасин, ҳар қандай одам фронт ортига ўтишни жуда хоҳлар эдилар.

Шу тобда сафдан ажралиб чиққанларнинг барчаси фронт ортидаги хаёт қанчалар кадрли эканлиги ва анчадан бери давом этаётган урушдан қанчалар безор бўлиб кетганини қалбан кайта хис этишди. Албатта, кечәётган ҳозирги ҳолат, яъни уларнинг жам бўлиб, фронт ортига кетаётганлиги илгаригидагидек, бирор томоша ёки сайилгами отлангандай, қандайдир яхши-ю аммо, умуман аввалгиларга ўхшамасди. Чунки улар тинчлик замонидаги каби Дания бўйлаб ўтадиган қизиқарли автомобиллар томошасига кетаётган эмасдилар. Ёки бу жойлар сумкалар тагидан патронлар тутаб турадиган Франция эмас, ё бирорта йўли ҳам миналаштирилмаган, ҳар қандай хавф-хатардан ҳоли Бельгия ҳам эмасди. Устидаги камзулларининг кўриниши ҳам бир ҳолда, енглари ялтираб, худди сутчиларники каби қатикнинг ҳиди анқиб турар, чунки улар сутли маҳсулотларни истеъмол қилгач, оғизларини енги билан артиб қўйишарди.

Бу ерда аччик аёз беаёв, оёқнинг остида кор қасирлаб, ҳатто қулокларни конатиб юлиб олгудек совук эди. Ҳар бир одам ўлим билан ёнма-ён туриб жанг қиларди. Атрофда угуллаган товушлар остида тинмай порт-

лашлар, Кўзга ташланиб турган ер айланасига ўн километргача узокликда худди баҳайбат вулкон оғзига ўхшаб тутаб ётарди. Оти ўчсин бундай урушнинг! Бу урушдан кейин, эҳтимол, кадрдон шахрингга қайтгач, ҳаттоки икки хонали уйингни ҳам жиҳозлаб олишинг амримаҳол бўлса керак. Икки кишилик диван ўрнига, айқаштириб қўйилган кайнин дарахти ёғочи устида рус бўронларининг ғувиллашини эшитиб ётишга тўғри келса ажабмас. Йўколсин, уруш!

Кечаси аскарларни саф тортиришиб, олиб кетишиди. Улар бажонидил бирга тўпланиб, қопларини елкаларига ташлаб олгунча, музлаб ётган рус ери узра шахдам қадам ташлаб, кета бошладилар. Аммо уларни, ўзлари ўйлагандек фронт ортига олиб кетишмаётганлигини билишмасди. Улар қанча олис юрсалар-да, қаёққа кетаётганликларини сезишмади. Қачонки, кечагина ўзлари ясаган пулемёт уясига, катта чукурлик томонга юришганидагина, улар фронт ортига эмас, аксинча фронт ичкарисига кираётганликларини англаб етдилар.

– Бу нима дегани? Қандай кўзбўямачилик бу? – дея, мингиллади аскарлардан бири. Бошқалар ҳам ҳайрон бўлишди, бироқ ҳеч ким ҳеч нарса деёлмади.

Бу ҳолатнинг моҳияти шунда эдики, генерал бўлган воқеани эшитгач, қутурган қуёнларни ўғирлаб, еб қўйганларни эмлаш тўғисидаги гапга тупурганлигини айтиб, бакириб, шу кечанинг ўзидаёқ, фюрернинг шу йигирма икки аскарини отиб, жасадларини ерга чукурроқ қазиб, кўмиб юборишга буйруқ берган эди. Сочлари окариб кетган бу генерал жуда айёр эди. У воқеани эшитган заҳотиёқ, саккизта қуённи йигирма икки нафар аскар бир бўлиб еганига сира ишонмаган эди. Нима, бу дегани айбдорни топиб бўлмайди, деганими, йўқ, албатта!

Белгиланган жойга етиб келгач, уларга қараб бир неча бор пулемёт оркали навбати билан ўқ узилди ва солдатларнинг ҳар бири бир зайлда ерга қулади. Шундай килиб, фюрерга ваъда килган ёки бажариши керак бўлган ўз вазифаларини охирига етказиб улгурмаган йигирма икки немис аскарининг ёруғ дунёдаги хаёти шу жойда якун топди. Рус жангчиларининг уларга аталган йигирма икки дона милтиқ ўки хам ўз фойдасига қолди.

Бўлиб ўтган ушбу воқеа хам ҳаёт хикматларидан бири эди, холос. Бу воқеа асосида итальянлар кутурган куёнларни еганларнинг устидан эмас, балки аксинча, гўшт тановул килмаган, аммо ёлғон туфайли уларга кўшилиб, панд еб колган ўн икки аскарининг устидан кулишганди. Полк доктори эса уларни боплаб туширган эди.

1942

## ЭРТАКЧИ

(Христиан Андерсен ҳақида ҳикоя)

Ёзувчи Христиан Андерсен билан учрашганимда ёшим атиги еттида эди.

Бу ажойиб воқеа киш кечаларининг бирида, XX асрнинг бошланишига бир неча соат колганида рўй берди. Кувнок болалар эртакчиси мени Янги аср остонасида кутиб олди.

У аввал менга узоқ тикилиб турди-да, сўнгра ҳазиломуз бир кўзини қисиб жилмайганича, чўнтағидан оппок рўмолчасини олиб ҳавода елпитган эди, оппок атиргул пайдо бўлди ва атрофга хушбўй таратиб, охиста ерга тушди. Ўша пайтлар биз оиласиз билан истиқомат килаётган ертўланинг ғишин полига келиб тушган атиргул

гулдан жаранглаб майин оҳант таралди ва унинг сирли оғушида хонам кумуш рангда товлана бошлади.

Кейинчалик билсам, ўшанда Андерсен билан бўлиб ўтган воеа эски ёзувчилар тили билан айтганда ўнг аралаш тушда кечган ажиб бир ҳолат, яъни ғаройиб учрашув юз берган экан.

Ёдимда, ўша кеч оппок кор ёғаётган эди. Уйимизда эса арча безатилаётганди. Арча безаб бўлингунига қадар хаяжондан юрагим ҳапкириб кетмаслиги учун уйимизда гилар мени кўчага чиқариб юбориши. Мен эса ханузга-ча нима учун уларнинг айнан белгиланган вақтдан олдин кувониб кетишими истамаганликларини тушуниб етолмайман. Балким, ўша кувонч дегани бизнинг оиласизга жуда кам ташриф буюрадиган, оиласиз аъзолари интикиб кутадиган азиз меҳмондек бўлгани учун, унинг ногоҳ кириб келиши эса биз болаларни хурсанд этиб, ҳаддан ташқари ҳовлиқтириб юбориши мумкинлигини ўйлаб, шундай қилишгандир. Кайдам, нима бўлганда ҳам ўша куни уйдагилар мени ташқарига чиқариб юборишган эди.

Ҳар доим шом аралаш қоронғу туша бошлаган кезлари, кўчалар, уйлар ва баъзи биноларнинг чироқла-ри бирданига чараклаб ёниши қалбимни алланечук хаяжонга солиб юборар эди. Айни шу пайтда ажойиб яшил рангли шуъла таратиб ёришувчи дўконнинг ойнали пештахтаси тубида турли-туман ғаройиб нарсалар пайдо бўлар, улар “коркиз” номли конькилар, турфа рангда товланиб ёниб турувчи ҳар хил “бурама шамлар”, майда оппок цилиндрларга жойлаштирилган қизикчилар никоблари, қалайдан куйиб тайёрланган тўрик от минган чавандозлар, пакилдоклар ва турли рангдаги ялтироқ қоғоздан ясалган занжирчалар эди.

Ўшанда XIX асрнинг охирги кечаси нечоғли муҳим аҳамиятга эга эканлигини катталарнинг сўзларидан би-

либ олгандим. Чунки, инсон бундай кечанинг қайта гувоҳи бўлиши учун яна юз йил умр кўриши, бу эса ҳар кимга ҳам насиб этмаслиги мукаррар эди.

Дарҳақиқат, назаримда ўша кунги окшом ҳам ўзгача бир сирли тароват билан кириб келганди. Ташқарида охиста оппок кор ёғарди. Кор парчалари шунчалар йирик эдикни, бамисоли осмонни тўлдириб даста-даста гул ёғарди гўё. Кўчаларни эса, извош отларга такилган кўнғирокларнинг ёқимли садолари тутиб кетганди.

Арча безаб бўлингандиги ёдимга тушиб, уйимизга қараб югурдим. Хонага киришим билан мени кутуб турган катталар арчанинг чирокларини ёкиб юборишиди. Шу пайт кўз ўнгимда ранг-баранг чироклар бирин-кетин ёниб, хонамиз чараклаб ёришиб кетди. Алмашиб ёнаётган чироклардан эса худди акация дарахтининг куриган шохлари қисирлаб синаётгандек овоз чиқарди гўё. Ногаҳон, арчанинг тагида турган катта қалин китобга кўзим тушиб қолди. Англадимки, бу ўша онамнинг менга Янги йил совғаси, яъни Христиан Андерсеннинг эртаклар китоби эди. Шу пайт қувончим ичимга сиғмай, ҳаяжонланиб арча ёнида ўтиридим-у китобни шошганча вараклай бошладим. Унинг вараклари нафис коғоз билан ёпиштирилган ажойиб суратларга тўла эди. Суратларни томоша қилиш учун ёпиштириб кўйилган ўша қоғозни охиста ажратиб олиш кифоя эди. Суратларда эса қор қасрининг деворлари узра мушаклар яркирар, оппоқ булатлар сўзиб юрган денгиз устида ёввойи оккушлар учиб юрар, кумушранг аскарчалар узун қуролларини ушлаб бир оёқда коровуллик қилиб саф тортиб туришар ва бошқа ажойиб мўъжизавий манзаралар акс эттирилган эди.

Китобга шу қадар шўнғиб кетибманки, ҳатто катталарнинг мени безатилган арчани томоша қилишга ундаётганликларини ҳам сезмабман.

Ўшанда дастлаб ўқиган эртакларим ғаройиб жанг, жажжи гўзал ракқоса ҳамда қор маликаси ҳақидаги эртак бўлди.

Ҳамон ёдимда, китобни вараклаб ўқир эканман, гўё унинг сахифаларидан турфа гулларнинг хушбўйлари уфуриб, қаҳрамонларининг сахий чеҳралари шундок кўз ўнгимда жонланиб, намоён бўлганлигидан ҳайратлангандим. Бир оздан сўнг толикқанимдан арчанинг тагида кўзим илиниб, пинакка кетибман. Шу пайт арча шоҳларини безаб турган чироклардан тараалаётган ёқимли илиқлик ҳамда ширин мудроклик ичра оппок атиргуллар баргини тўкаётган Андерсеннинг сиймоси намоён бўлди. Ўшандан бери у ҳақдаги тасаввуримга ўша ажиб, тушимдаги манзара муҳрланиб қолган.

Мен у пайтлар жуда ёш эдим. Эртаклардаги, жумладан Андерсен эртакларига ҳам яширинган катталарга тушунарли бўлган иккинчи томони яъни иккинчи фояси борлигини билмас эдим, албатта.

Буни анча кеч англадим. Кейин билсам, XIX асрнинг ўзига яраша оғир ва оламшумул якуни арафасида менга омад кулиб боқкан ва айни шу кечада ғаройиб мўъжизавий шоир Андерсен менга учраб, мурфак қалбимда ёруғликнинг зулмат ҳамда инсоннинг сахий юраги ёвузилик устидан ғалаба козонишига ишонч уйғотган экан. Ўша пайтлар Пушкиннинг “Яшасин куёш, йўқолсин зулмат!” деган сўзларини эшигтан эдим. Негадир менинг назаримда Пушкин билан Андерсен ўзаро қадрдан дўст бўлишгандек, улар ҳар гал учрашгандарида бир-бирларининг елкаларига кокишиб, завкланиб қувонаётгандек туйилар эди гўё.

Андерсеннинг таржимаи холини анча кеч ўргандим. Унгача менинг тасаввуримда хаёти ҳам худди ўзининг эртакларидаги каби ғаройиб ва гўзал, суратлари каби қувноқ ва баҳтиёр бўлиб туйилар эди.

Андерсеннинг ҳаёти болалик чоғлариданок жуда оғир шароитда кечди. Аммо у умри давомида ҳаётдан, ёруғ оламдан эзгулик кидирди, завқланиб яшашга интилди.

Христиан 1985 йилда Наполеон уруши даврида Оденза деб номланган данияликлар шаҳрида камбағал этикдўз оиласида дунёга келди. Оденза Фюн оролининг пастак адирларида жойлашган бўлиб, унинг атрофини баланд тоғлар ўраб турарди. Адирлар этагида арчалар гуллаб ётар, осмонини эса доимо туман қоплаб турарди. Одензанинг умумий кўриниши тасаввур қилиб кўрилса, у корайган эман дарахтидан йўнилган каттакон ўйинчоқни эслатарди.

Ҳа, Оденза бекорга ўзининг ёғоч ўймакорлик санъати билан шухрат қозонмаган эди. Ўрта асрларда яшаб ўтган ёғоч ўймакор усталаридан бири Клаус Берг кора дарахтдан Оденза бош черковининг ибодат марказидаги улкан кисмини йўниб тайёрлади. Унинг ғаройиб ижод намунаси бўлган ушбу меҳроб маҳобати ва ҳайбати билан факат болаларнигина эмас, балки катталарни ҳам ҳайратлантирган. Даниялик ўймакор усталар факат меҳроб ўйиб қолмай, турли илоҳий манзаралар акс этирилган ҳайкалчалар ҳам тайёрлар эдилар. Дарахтларнинг улкан бўлакларидан мохирона йўнилган ҳайкалларда кўпол, аммо ўзига хос рамзий маъно касб этувчи илоҳий маъбудалар, дengиз худоси Нептун, дельфинлар, гоҳо эгилиб юрувчи денгиз отлари каби ҳар хил жонзотлар акс этарди. Бундай ҳайкалчалар денгизчилар удумига кўра елканли кемаларнинг олд тумшуғига жойлаб кўйиларди. Ҳайкалчалар баъзан тилла суви, ёки ҳар хил маҳсус тўқ рангли бўёклар билан бўялар эди. Узоқ йиллар давомида денгиз тўлқинлари уларга путур етказиб, рангларини ювиб кетмаслиги учун маҳсус бўёклар жуда қуюқ қилиб сурилар эди.

Кемаларга ҳайкалчалар ясовчи ўймакор усталар ўзларининг бетакрор санъатлари туфайли гўё денгиз ижодкорлари – шоирлари эдилар. Андерсеннинг дўсти даниялик Альберт Торвальдсен ҳам ана шундай ўймакорлар оиласида вояга етган, XIX асрнинг буюк ҳайкалтароши эди.

Андерсен болалигидан бошлаб ўймакорларнинг хаёлни мафтун этувчи ажойиб ижодий ишларини факат кемалардагина эмас, балки Оденза уйларининг безакларида ҳам кўп учратган. Даставал у Одензадаги эскирган бир уйнинг кенг ёғоч ромига ўйилган ажиб лолалар ва атиргулларни кўрган эди. Ижодкор уста томонидан накшлар ёнига бир мисра шеър ҳам ўйиб ёзилган эди. Болалар жам бўлиб, шу шеърни ёдлаб олишгани ҳамон унинг ёдида.

Этиқдўзлар эшиги устига осиб қўйилган икки каллали бургут тасвири ҳам унинг хаёлига муҳрланиб қолган. Бу тасвир гўё оёқ кийимлар доимо бир жуфт қилиб тикилишининг рамзий маъносини англатарди.

Андерсеннинг отаси этиқдўз эди. Аммо уларнинг эшиги устида икки каллали бургутнинг сурати йўқ эди. Бундай сурат фактат этиқдўз хунармандлар цехига аъзо бўлган усталарнинг эшигига илинишга рухсат этиларди. Андерсеннинг отаси эса жуда камбағал бўлганлиги туфайли этиқдўз хунармандлар цехига белгиланган аъзолик бадалини тўлолмас, шунинг учун ҳам бу цехнинг аъзоси эмас эди.

Андерсен ўта ночор ва қашшоқликда вояга етди. У яшаган оиласиning бирдан-бир фахрланадиган нарсаси уларнинг озодалиги эди. Уйнинг ичидаги қутига жойланган тупроқда калин бўлиб пиёз кўкариб турарди. Токчадаги гултувакларда эса турли гуллар кийғос очилиб ётарди. Гулларнинг хуш бўйлари отасининг кўлидаги

косиблар болғачасидан тараплаётган акс-садо билан бирлашиб, барабанчилар казармасидан эшитилиб турувчи вазмин товуш, дайди мусиқачилар флейтаси (найсимон мусика асбоби)нинг хуштаги, ҳамда дарё бўйлаб қўшни қирғокқа юк ташийдиган бесўнақай кемалардаги матросларнинг ҳорғин бўғиқ овозда айтиётган қўшиклирига қўшилиб кетар эди гўё.

Бу каби турли-туман манзаралар, одамлар, ҳодисалар ва ундаги ранглар, овозлар ўзига хос ажойиб хаёл-параст Христианнинг шуурида чарх уради. Шодланиб, завқланиши ва ҳар хил ғаройиб воқеалар ўйлаб топишига замин яратарди.

Айниқса, уларнинг уйида ҳар қандай ҳолатда ҳам уни ёлғиз тингловчи – Карл лакабли мушукнинг борлигидан болакай мамнун эди. Аммо, Карлнинг ҳам бир камчилиги бор эди. У ҳам бўлса бола айтиётган кизик эртакни охиригача дикқат билан тинглай олмас, эртак ниҳоясига етмасидан хуриллаб ухлаб қолар эди. Болакай қари мушук Карлнинг бу қилифидан асло ранжимас, чунки мушук унинг эртакларидағи сехгарлар, Клумпе-Думпе номли айёрлар, аклли трубачилар, сўзлашувчи гуллар ҳамда бошида олмос тожи бор курбакалар каби ғаройиб нарсалар борлигидан ҳеч қачон ажабланмай, жимгина уни тингларди.

Андерсен илк эртакни ўзининг отасидан эшиитганди. Кейин эса ушбу эртакни қўшни мусофирихонада турувчи аёлларга айтиб берганди. Бу ерда яшовчи аёллар куни бўйи эгилиб олиб, жун игирав, бир-бирларига ўзларининг содда хикояларини сўзлаб ўтиришарди. Болакай эса уларнинг ҳар бир ҳикоясини қизиқиб тинглаб, эртаси куни айнан шу хикояларнинг ўзини бошдан-оёқ ўз тасаввури билан бойитиб, ўзга ранглар билан бўяб, безаб уларнинг ўзига янгича талқинда ўз номидан қайта бошдан хикоя килиб берарди.

Аёллар жажжи Христианнинг қобилияти ва зеҳнига қойил қолиб:

— Қандай ажойиб бола-я, бундай хислатли инсонлар дунёда ҳаёт кечириши жуда қийин бўлади, — дея афсусланиб, ўзаро шивирлашиб қўйишарди.

Ҳикояни давом эттиришдан олдин унинг юкорида тилга олинган ажойиб хислатларига тўхталиб ўтсак. Андерсен ён-атрофимизни ўраб, кўзга ташланиб турган табиат, ёруғ оламда ҳар биримиз ҳар қадамда дуч келиб, кундалик ҳаётимизда юз бераётган оддий воқеа, ҳодисаларда ҳам ажойиб борлик, ўзгача ажиб дунёни кўра биларди. Кўпчиликка шунчаки туйилган кўз илғамас нарсалардан яхшилик, бир дунё эзгулик топиб, қалдан қувониб, шодланарди.

Унинг бу каби хислатларини қобилият, деб атасак тўғрироқ бўларди.

Биз замин бўйлаб одимлар эканмиз, оёғимиз остида ётган ҳар бир нарсага эътибор бермаймиз. Ёки атрофимизни ўраб турган борлик, ерга тушган япроқ, майсаларни бир лаҳза тинглаш ёки оддий бир сиким тупрокни кўлга олиб, диккат билан разм солиш ҳар биримизнинг ҳам хаёлимизга келавермайди. Агар биз ҳам заминга яқинроқ энгashiб ёки унинг бағрида ёнбошлаб олиб диккат билан кузатсак, унинг ҳар бир қаричида қўплаб қизиқарли, ажойиб мўъжизаларга дуч келган бўлар эдик.

Қани айтингчи, сизнингча нопармон—яшил тусли аскарга ўхшаш баргизуб гулининг курук кўзачаси оғиздан зумрад заррасини сочиб туриши қанчалар гўзал ва ажабланарли эмасми? Ёки ҳар бир намчил гиёҳ, майсалар-чи, ёки маккажӯхори поясида етилиб, тўкилиб тушадиган донлар-чи, бир дона майда уруғчадан ўсиб чиқувчи улкан дарахтлар-чи? Ана шундай, у ҳар бир

қадамда олам-олам антиқа нарсаларга дуч келар, уларни күзатар ва ҳар бири ҳакида жуда кизикарлы ҳикоялар, эртаклар түкирдики, одамлар уларнинг кай бирини тингламасин, унинг қобилияти, санъатига койил қолиб, ҳайратдан бош чайқаб:

— Бу Одензалик этикдўзнинг дароз ўғлига қайдан бунчалик ажойиб илохий неъмат ато этилган экан-а, балким у сехргардир, — дейишарди.

Одензанинг ўз театри бор эди. У ерда Андерсен илк бор “Дунай кизи” деб, номланган пьесани томоша килиб, жуда ҳайратланган эди. Ўшандан то умрининг охиригача театр ишқивозига айланди.

Болаларни нафакат халқ оғзаки ижоди, балки театр орқали ҳам эртаклар оламига олиб кириш мумкин. Улар спектаклларни ҳам ҳайратланиб, худди эртакдек қабул килиб, севадилар.

Ёрқин сахна безаклари, ранг-баранг чироклар, аскарларнинг турли-туман қадимги курол-яроғлари, мусика садолари остида бошланувчи даҳшатли жанглар, маликаларнинг ҳаворанг узун киприклидан тўкилиб турувчи кўз ёшлари, ўткир, ялтироқ қилич тутган малларанг соқолли ёвуз бадкирдорлар, ҳавода учиб айланиб, рақсга тушувчи гўзал кизлар, буларнинг барча-барчаси факат эртаклардагина рўй бериши мумкин.

Аммо, Андерсеннинг театрга тушиб туришга пули йўқ эди. Бир куни у шаҳарлик афиша ёпиштиргич Петер билан дўстлашиб қолди. Андерсен унга спектаклларнинг афишаларини ёпиштиришга ёрдам берар, Петер эса бунинг эвазига янги спектаклнинг битта афишасини совға қиласар эди. Христиан уни хонасининг бурчагига ёпиштириб, пьесанинг номланиши ва унда ижро этувчилик билан хаёлан танишиб, ана шу афишада турган номлар билан ўз фантазияси орқали пьесанинг

калбларни забт этувчи янгича рухи ҳакида ўйлар, хар бир спектакль воқеасини ўзининг тасаввуридаги тасвирлар билан алмаштирарди. Шундай қилиб, кунларнинг бирида болакайнинг хаёлида сирли ва ғаройиб болалар театрининг янги репертуари пайдо бўлар эди. Унда болакайнинг ўзи муаллиф, ўзи актёр, мусикачи, ўзи расом, ҳам саҳнанинг ёритувчиси, ҳам хонандаси эди.

Андерсен ўзи ўсган камбағал оиланинг ёлғиз, хотиржам ва эркин аъзоси эди. Оиласида уни ҳеч ким, ҳеч қачон койимасди. Болалигидан хаёли ўзининг ажойиб, узундан-узоқ орзу-ўйлари билан банд бўлган. Бу ҳолат ҳаттоки унинг савод чиқариши учун ўқиш пайтида ҳам ҳалал берарди. У ёзишни тенгқурларига қараганда анча кеч ўрганди. Ҳаттоки, кексайган чоғида ҳам хатолар билан ёзар, ўзига унчалик ишонмас эди.

Андерсен кўп вақтини Оденза бўйидаги эски тегирмон ёнида ўтказарди. Тегирмон эскириб кетганлигидан ундан қисирлаган овоз чиқарди. Тарновидан ям-яшил сувўтлари осилиб, унга келиб қўйиладиган сув ён-атрофга сачраб турар, тўғоннинг қирғоғида эса балиқчалар жимирилашиб, сузуб юрганлиги кўриниб турарди.

Болакайга кимдир ёшлигига айни шу тегирмон остида, ер шарининг нариги томонида Хитой деган мамлакат борлигини, хитойликлар эса бирпасда еrostи йўлини казиб, у орқали Одензага кириб келиши ва кутилмаганда қўлларида нафис елпифич тутган, тилла аждар сурати тикилган кирмизи шойи ҳалатларда Дания шаҳарларининг моғор босган намчил кўчаларида пайдо бўлиб қолиши мумкинлиги ҳакида сўзлаб берган эди.

Болакай ушбу мўъжизани узоқ кутди, аммо бу воқеа содир бўлмади.

Одензада эски тегирмондан ташқари яна бир жой болакайнинг эътиборини тортар эди. У истеъфога чик-

кан кекса денгизчининг канал бўйида жойлашган кўрғончаси эди. Денгизчи боғининг ўртасида кўзга якқол ташланиб турадиган жойида бир неча ёғоч замбараклар ва унинг ёнида ёғочдан ясалган аскар ҳайкалини ўрнатган эди. Канал бўйлаб кемалар сузиб ўтаётганида у ясаган замбараклардан ҳавога ўқсиз зарядлар отилар, ёғоч аскар эса осмонга қараб қуролини сермар эди. Кекса денгизчи шу алпозда ўзининг истеъфога чиқмаган омадли капитан ўртокларига салют берарди.

Кекса денгизчининг ушбу ажойиб кўрғонига Андерсен бир неча йилдан сўнг, талаба бўлган чоғида киришга мушарраф бўлди. У келган чоғида денгизчи ҳаётдан кўз юмган, аммо ёш шоирни гир айланана гулзор ичидан бир тўда гўзал ва шўх қизлар галаси – кекса капитаннинг қизлари кутиб олишди. Андерсен кейинчалик у қизларнинг бирига нисбаттан қалбидан ишқ-муҳаббат уйғонганини сезиб қолди. Аммо унинг муҳаббати гўёки туман ичра жавобсиз қолиб кетди.

Унинг ҳаёти давомида аёлларга нисбаттан пайдо бўлган қалбидаги ҳис-туйғуларининг барчаси ҳам шу алпозда якун топди.

Христиан жуда кўп ҳаёл сурар, ҳаёлига келган кўп нарсаларни орзу киларди. Ёшлигида унинг ота-онаси яхши тикувчи-бичувчи бўлишини исташган эди. Шу мақсадда онаси унга тикиш-бичишни ўргатди. Аммо бола ўрганиб, нимаики тиккан бўлса, фақат ўзининг театридаги қўғирчоқлари учун эди. Ўша пайтлар Андерсенning уйида кичик театри бор эди.

Бичишнинг ўрнига эса мохирона тарзда қофоздан ҳаёлига келган турли накшлар, бир оғифида айланиб раксга тушадиган жажжи ракқосалар шаклини кесиб ясарди. Ўзининг ажойиб қобилияти билан барчани кексайган чоғида ҳам ҳайратда қолдиради.

Тикувчилик хунарини ўрганганлиги ёзувчилигига ҳам кўл келди. У қўлёzmани жуда тез ва зич ёзардики, ҳатто тўғирлашга ҳам жой қолмасди. Шундай пайтлар қўлёzmанинг ўзгартирилган жойини қоғозга ёзиб олиб, орқасидан таглик қўйиб, ип билан текислаб тикиб ёпишириар эди.

Андерсен ўн тўрт ёшга кирганида отаси вафот этди. Кечаси билан отасининг бошида йиғлаб, мижжа қоқмай чиқди. Ўша куни отасининг бошида у билан бирга бир чигиртка ҳам туни бўйи хониш килганини сўзлаб берди.

Шундай килиб, ўша куни умри давомида биргина шоир ва эртакчи ўғилни дунёга совға килишдан бўлак ҳеч ишни уddeлолмаган, бирор нарсаси билан ҳеч кимни қойил қолдиролмаган ва ҳеч нарсаси бўлмаган тортичкоқ этикдўз чигиртканинг сирли хониши остида хаёт билан видолашди.

Андерсен отасининг ўлимидан бир оз ўтгач, онаси-нинг розилиги билан уйларида асраб қўйилган арзимаган чойчакани олиб Одензадан ўз омади, баҳтини қидириб Дания пойтахти Копенгагенга жўнаб кетди. У ерда эса нима кутаётганлигини ҳеч ким билмас эди.

Унинг хотираси ёшлигидан сирли воеаларга тў-либ-тошган, аммо буларнинг барчаси шунчаки бефойда хаётида асқатмаётганди. Андерсен катта бўлганида ким бўлиши ҳакида узок ўйларди. Қўшиқчи, ракқосми, шоир ёки бадиий асарларни ифодали қилиб ўқиб берувчи – сухандон, сатирик, драматург, хуллас эртакчилик эса хаёлига ҳам келмаган эди. Шунга қарамай, қалбининг олис манзилларидан эртакларнинг мўъжизавий оҳанги дам у, дам бу ижод торлари орқали садо бериб турарди.

Эртаклар оламига Андерсенни аслида нима етакла-ган эди?

Табиатнинг мафтункор бағрида ёлғиз қолиб, унинг овозига қулок тутиб, эртак ёзишдан ҳам завқлироқ ва осонрок нарса йўқ, деб айтган эди у.

Айниқса, Зеландия ўрмонларида дам олган кезлари унинг фикри янада ойдинлашди. Ажойиб, мафтункор осмонида юлдузлар ғира-шира милтираб, кариб доимо енгил туман остида ўй суриб турувчи Зеландия ўрмонлари... Ўрмон бўйлаб денгизнинг узун ястаниб туриши эса унга янада ўзгача тароват бахш этарди.

Андерсен эртакларининг кўп кисмини қиши пайтида ёзганидан хабаримиз бор. Аммо, сиз болакайларнинг арча байрамини гўёки бир гаройиб мўъжиза каби хаяжон билан интиқиб кутишларини, арчанинг ўзига хос кўркам тусга кириб, турли-туман товланиб турувчи бетакрор ўйинчоқлар билан чараклаб безатилишини бир тасаввур килиб кўринг-а!

Приморъеда қиши қандай ўтишини биласизми? Бутун борлиқ оппоқ кумушранг қорга беланган. Ойдин қиши кечасининг ёғдуланиб, уйларнинг печларида ёғоч ўтининг чарсиллаб ёниб туриши буларнинг ҳамма-ҳаммаси андерсенча тасаввур-у, ифода билан унинг эртакларига жо бўларди.

Балким Андерсеннинг эртакчи бўлишига Копенгаген кўчасидаги мана бу воқеа сабаб бўлгандир?..

Бир болакай эски Копенгаген уйларининг бирида токчада ўйнаб ўтирас эди. Унинг ўйинчоқлари унчалик кўп эмас, улар бир неча кубикчалар, папье-машедан тайёрланган эски думсиз от ва қалайдан ясалган синик аскарча эди. Болакайнинг онаси – ёшгина жувон, дераза ёнида кашта тикиб ўтиради. Шу пайт эски денгиз порти томондан, кўчанинг пастак киялигидан кўтарилиганча кора либос кийган, жуда озғин ва дароз бўйли бир одам пайдо бўлди. Узун қўллари осилган, гавдаси

у ён-бу ён қалқиб, ўзи билан ўзи гаплашиб, болакай-нинг уйи томон яқинлашиб келарди. У одам шляпасини қўлига ушлаб олган, шунинг учун хам кенг қия пеша-наси, бургутнигига ўхшаш ингичка бурни ва кул ранг қисик қўзлари аниқ қўзга ташланиб турарди. Унинг чехраси деярли кўримсиз бўлиб, аммо қадди – қомати жуда келишган, нимаси биландир чет элликларни эслатарди. Эгнидаги калта камзулининг тугма қадайдиган жойига хушбўй ялпиз шохчасини такиб олган эди.

Агар шу нотаниш кишининг ўзига ўзи ғудраниб келаётган сўзларига кулок тутиш жоиз бўлса, унинг сал-кам хиргойи тарзда қуидаги шеърни ўкиётганининг гувоҳи бўлар эдик:

Мен сени кўксимда асрадим,  
Орзу-умидларимнинг нозик ғунчаси...

Болакайнинг онаси тикаётган каштасидан бошини кўтариб, ўғлига қараб:

Ана, бизнинг шоиримиз жаноби Андерсен кела-яптилар. Агар у хиргойи килаётган аллалар хонишига кулок тутсанг, ширин уйқуга кетиб қолишинг мумкин, деди.

Шу дам болакай қора кийимдаги нотаниш одамга бирпас тикилиб турди-да, сўнг ўйнаб ўтирган ягона оқсоқ аскар ўйинчоғини қўлига олиб, кўчага Андерсен келаётган томонга югуриб кетди. Ёнига етиб келгач, ўйинчоқни унинг қўлига тутдию, зудлик билан орқаси-га кайтиб, уйи томон югуриб кетди.

Бу болакайнинг энг қимматбаҳо совғаси эди. Андерсен, албатта, буни тушунди ва болакайнинг берган совғаси – ўйинчоқ аскарчани кўксига кадаб кўйилган ялпиз шохчасининг ёнига худди кўкрак нишонидек такиб олди. Бунга хам каноатланмай, ўйинчоқни меҳр

билан кўксига босиб, янада кўзга равшанроқ ташланниб туриши учун бироз чиқариб кўйди. Болакай томонидан кўрсатилган бу холат Андерсенни шу даражада тўлқинлантириб юбордики, бекорга унинг якин дўстлари хис-ҳаяжонга ўта берилувчанликда айбламаслиги қайта ёдига тушди.

Аёл эса кашта тикишдан бир оз тин олиб, агар шу шоирни севиб қолганимда, у билан кечган ҳаётим ўта марокли ва шунга қўра мураккаб ҳам бўлиши мумкин эди, дея ҳаёлидан ўтказди. Андерсен ҳатто ёш хонанда Дженнини севиб қолганида ҳам у учун ўзининг шоирона одатлари, бекарор орзу-хаёлларидан воз кечмаганилиги ҳакида эшитган эди. Ҳа, шоирнинг ўзига хос ўй-хаёллари, орзуларининг чек-чегараси йўқ эди.

Бир куни у ғамгин Данияга караб шимоли-ғарб томондан ҳувиллаб эсиб турувчи шамолнинг йўлига, балиқчилар кемасининг мачтасига мусиқа асбоби – арфани қистириб, шамол таъсирида унинг торларидан тараладиган мунгли садони тинглагиси келди. Бу, албатта, фақат Андерсенгагина хос бўлган орзу-хаёлларининг бир кўриниши эди.

Андерсен ўз ҳаёти ҳакида сўзлаганида, унинг соз ва шодон ўтганлигини таърифлаб, болаларча шодланиб қувонарди. Ҳаётга бу қадар беғубор, софдиллик билан қараш фақатгина Андерсен каби қалби тоза, маънавий денёси бой бўлган инсонларгагина хос бўлган фазилатдир. У каби инсонлар турмушда учрайдиган ҳар қандай майда-чуйда ҳодисаларга ўралашиб, нолиб, вақтини бекорга бой беришдан кўра, ярқираб турган борлик поэзияси билан завкланиб яшашни афзал биладилар. Қани айтинг-чи, тароватли ва гўзал кўклам нафаси ҳар бир дараҳт куртакларидан бўса олаётган дилбар лаҳзаларни бой бермасдан кузатиш, икир-чикир ташвишу, ғамларга

эътибор бермай яшаш накадар завқли! Ахир, бу кундалик майда-чуйда нарсалар гўзал ва дилрабо, хушбўй кўкламнинг олдида нечоғлик арзимас эканлигини бир тасаввур килиб кўринг-чи!

Ха, Андерсен шундай кенг дунёкараш билан ширин орзулар оғушида хаёт кечиришни истар эди.

Аммо, Копенгагенга келган чоғларида ҳам анча қайғу-аламларга дуч келди. Ўша кезлар мамлакатда қашшоклик авж олган, ижод ахли, жумладан шоир, ёзувчи ва мусиқачиларга нисбатан менсимай қарашлар кўпчилик қатори унинг ҳам кўнглини эзарди.

Андерсенга ҳатто кексалик чоғида ҳам унга қаратадания адабиётининг этикдўз оиласидан чикқан “қашшоқ намоёндаси”, камбағал боласининг ҳар бир жойда, айниқса раҳбар, уламолар ўтасида ўз ўрнини билиб юриши лозимлигини бот-бот уқтириб туришарди. Ҳар дам унинг устидан кулишиб, ҳар қадамда изза қилишга ҳаракат қилишарди. Шундай ҳаракатлардан сўнг у доим ўз-ўзига “нима учун шундай?”, деб савол берарди.

Бунинг сабаби, балким унинг томирларида кабағал, камтарин одамлар кони оқаётганлигидадир. Балким у ҳам бошқаларга ўхшаб, данияликларнинг назарича яшашни билмаганигигида, ўзини хеч качон катта тутиб, гўёки хаётда омади чопган калтафаҳм, калондимоғлар каби гердайиб юрганлигидадир. Балким, Оллоҳнинг марҳамати билан ҳакикий шоир бўлиб яралганлигидадир.

Ўша пайлар тор фикрли данияликлар назаридаги-дек яшашни билмаслик жамоа орасида энг оғир иллат деб қараларди. Андерсенга эса бундай одамлар ўртасида уларга ўхшаб яшаш оддий сўз билан айтганда ўта нокулай эди. Донишманд Къеркегор айтганидек, у беғубор хушчақчак қалб эгаси, тенги йўқ, бебаҳо шоиртабиат шахс эди. Худди бир пайлар шеърият китобига

битилиб, қутилмаганда пайдо бўлган-у, унутилган ва қайта дунёга келган сирли мўъжизавий китоб каби ҳеч качон кутубхонанинг чанг токчаларига қайтиб кетиши мумкин эмасди.

– Менинг барча яхши хислатларимни лойга кориб ташлашмоқчи бўлишди, – дея болалар вақтихушлик килиш учун тошибурон қилиб, азоблаётган кучукка ўхшатарди ўз холатини Андерсен.

Аммо ўзингиз айтинг-чи, узун ойдин кечаларнинг ёруғида наъматак гулларидан тараги турувчи оппок шуълаларнинг гувоҳи бўлган ёки ўрмон ичидаги оддий тўнканинг нималардир деб жавраб турганини тинглаётган ёки шу каби кўплаб ғаройиб ҳодисаларнинг гувоҳи бўлган инсоннинг ҳаёт йўлини майда - чудалар билан ёпиб бўлармиди ахир!

Аммо Андерсен ҳаёти давомида қанчалар озор чекмасин, изтироб чекмасин, ҳар қандай мушкул шароитда ҳам инсонларга доимо яхшилик, эзгулик истаб яшади. Бундай инсоннинг иродаси олдида фактат таъзим килиш мумкин.

У ўзининг камбағаллар билан кони бирлигидан фахрланарди. Даниялик ёзувчилар ташкил этган “Ишчилар уюшмаси”га биринчилар қаторида аъзо бўлди, жону-дили билан ишчи, камбағал, деҳконлар ўртасида ўзининг ижодий намуналаридан ўқиб берарди. Мабодо оддий инсонларга нисбатан менсимаслик, адолатсизлик ва ёлғон тухматлар килинаётган холатларга дуч келиб қолса, бунга асло чидолмас ва аёвсиз инсонга айланарди. Унинг калбida болаларча беғубор хислатлари билан бирга ноҳақликларга қарши аччик аламлари, изтироблари ҳам ёнма-ён яшарди. Бу холатни “Яланғоч кирол” номли эртагида кенг тасвиirlади.

Қамбағал оила фарзанди, унинг дўсти ҳайкалтарош Торвальдсен оламдан ўтганида буюк ижодкорнинг ва-

фотидан хабар топиб, унинг тобути олдида даниялик-ларга хос бўлган намойишкорона, тантанавор кўри-нишда гердайганча тизилиб турувчи уламоларнинг туриши Андерсеннинг кўз ўнгига келиб кетди.

У Торвальдсеннинг вафотига бағишлиб ўзининг катта кантата<sup>1</sup>си – йирик мусикий асарини ёзди. Унинг дағи маросимига бутун Амстердамдан камбағал, қашшоқларнинг фарзандларини йиғди. Болалар занжир шаклида тизилиб, кўл ушлашиб бутун маросим давомида Андерсеннинг кантатасини жўр бўлиб куйлашди. Кантата шундай сўзлар билан бошланарди:

Йўл беринг бечоралар тобутига –  
Уларнинг орасида кетмоқдаман ўзим ҳам...

Андерсен шоир дўсти Ингеман ҳақида “У шеърият уруғини камбағал дехконлар даласидан излади”, деб ёзган эди. Унинг бу таърифи ўзининг ижодига ҳам кўпроқ тааллуклидир. Чунки, Андерсен ҳам поэзия уруғини камбағал дехконлар даласидан териб, қалб қўрида қиздириб, уларнинг пастак хароба кулбаларига сочарди. Унда эса поэзиянинг ғаройиб дараҳтлари униб чикар, турфа гуллари барқ уриб, мазлумлар қалбига қувонч баҳш этарди.

Андерсен учун мактабда ўзидан анча ёш болалар билан бир партада ўтириб ўқиган йиллари ҳам жуда оғир кечди, қалби хўрланди. Ўзининг ҳакиқий ҳаёт йўлини кидириш максадида кечган умрининг ўша дамлари у учун энг чигал ва руҳий азобланиш йиллари бўлди. У ўзидаги ижодий қобилиятни санъатнинг қайси турига тегишли эканлигини узоқ вақтгача англай олмади.

“Худди тоғликлар улкан қоялар тошини зарралаб, зинапоялар ясад юқори кўтарилгани каби, мен ҳам шу

<sup>1</sup> Хор учун мўлжалланган йирик мусикий асар.

кадар мاشақкат ва сабр-қаноат билан одимлаб, адабиётда ўз ўрнимни топдим”, – деган эди Андерсен кексалик чоғларида.

Бир куни шоир Ингеман:

– Сиз ҳар қандай оқаётган сув тагидан хам қиммат-баҳо дуру жавоҳирлар топа оладиган бебаҳо қобилият сохибисиз, деб айтган эди. Шоирнинг бу сўзлари Андерсеннинг ўзидаги қобилиятни англашига сабаб бўлди.

Ва ниҳоят унинг йигирма уч ёшида “Амагер ороли бўйлаб саёхат”, деб номланган ҳакикий андерсенча китоби босилиб чиқди. Андерсеннинг ушбу китоби “ғаройиб, ранг-баранг хаёллари осмонини” дунёга намоийиш этишига имкон берди.

Андерсен Дания бўйлаб кезар экан, доимо қалбida аллақандай мафтункорлик завкининг ажиб титрофини сезиб яшади. Келгусидаги хаёт йўли ойдинлашди. Китобидан тушган озгина қалам ҳақини Европа бўйлаб саёхатга сарфлади.

Андерсеннинг ушбу илк саёхатини дунё бўйлаб эмас, ўзининг буюк замондошлари орасига килинган саёҳати, деб аташ мумкин. Чунки у каерга бормасин, ўша жойда ўзи севган буюк ёзувчилар, шоирлар, мусиқачи, рассомлар билан танишди.

Албатта, у бундай учрашувларни нафакат табиий, эҳтимол, муҳим деб билди. Учрашувлар давомида унинг истеъододига буюк замондошлар томонидан билдирилган фикрлар унга қудрат бағишилади.

Андерсеннинг бутун ҳаёти доимий алмашиниб турувчи мамлакатлар, шаҳарлар ва унда яшовчи халклар, узун йўллар давомида ҳамроҳ бўлган йўловчилар, уларнинг турли-туман ажойиб хикоялари, фикр-мулоҳазалари, улардан олган таассуротлари асосида ҳаяжонли лахзаларни ўзида мужассам этган ҳакикий “йўл поэзияси”

оғушида ўтди. У қаерда ёзгиси келса, ўша жойда ёзди. Рим, Париж, Афина, Константинополь, Лондон, Амстердам меҳмонхоналарида кирмизи сиёҳдонларда унинг ўтқир пероси қанчалар кўп из қолдирганлигини хеч ким санаб адо қилолмайди.

Андерсен жуда тез ёзар эди. Аммо қўлёзмаларни ишлаш даврида ўта талабчанлик ва дикқат билан тўғирларди.

Тез ёзишининг асосий сабаби унинг ҳақиқий импровизаторлик кобилиятидан дарак берарди.

Импровизация – бу ижодкорларнинг ён-атрофда со-дир бўлаётган вокеликларга бефарқ бўлмай, улар тўғрисидаги фикрларга ўз муносабатларини изхор килиш, билдириш кобилиятиdir.

Бундай кобилият эса узок кузатувлар жараёни ва ажойиб хотира яъни эслаб қолиш хусусиятига эга бўлан инсонлардагина учрайди.

Андерсен Италия тўғрисидаги повестини ҳақиқий импровизаторлик нуқтаи назаридан яратди. Шунинг учун ҳам бу асарини “Импровизатор” деб номлади.

Келинг, энди яна унинг саёҳатлари тўғрисидаги хикоямизга қайтамиз.

У илк саёҳатини юзлаб кемалар сузуб юрган Каттегат<sup>1</sup> бўйлаб амалга оширди. Бу сафари ҳам жуда қизикарли ва завқли кечди.

Ўша пайтлар Каттегат бўғози узра “Дания” ва “Каледония” деб номланувчи пароходлар пайдо бўлган эди. Улар елканли кема капитанларининг худди дengиз довули каби ғазабини қўзғатарди.

Чунки пароходлар бўғозни тутунга тўлдириб елканли кемалар орасидан сузуб ўтаётганида хижолат тор-

<sup>1</sup> Ютландия ярим оролининг шаркий кирғоги билан Скандинавия оролининг жануби-ғарбий томонининг куйилиш жойидаги бўғоз.

тиб, гүё ўзларини масхара бўлаётгандек сезарди. Шу сабабдан кема бошликлари карнай орқали уларга қараб бисотидаги энг сараланган, энг уятсиз сўкишларини изхор қилиб колар эдилар. Пароходларни “мўри тозаловчи”, “дудланган думлар”, “бадбўй мағзава”, деб ерга уришга ҳаракат қиласар эдилар.

Пароход ва кемалар ўргасида бўлиб ўтадиган бу каби жанжаллардан Андерсен завкланиб, вакти чоғ бўларди ва мирикиб кулар эди.

Каттегат бўғози бўйлаб қилган сафаридан сўнг Андерсенning “ҳакикий саёҳатлари” бошланди. У кўп мартараб бутун Европани айланиб чиқди. Кичик Осиё ҳаттоқи Африкада хам бўлди.

Парижда Виктор Гюго ва буюк артист Рашель билан танишиб, Бальзак билан яқиндан сухбатлашди. Гейне уни ўз уйига меҳмонга таклиф этди. Андерсен Гейнени уйида парижлик ёш гўзал аёли ва бир кучок кувнок фарзандлари қуршовида учратди. Болаларни кўриб, шошиб қолган Андерсенга қараб:

– Ҳайрон бўлманг, буларнинг барчаси ўзимизнинг болаларимиз, биз уларни кўшнилардан сўраб олганмиз, дея ҳазиллашди, Гейне.

Дюма Андерсенни Парижнинг арzon театрларидан бирига олиб кирди. Бир куни эса Дюманинг навбатдаги романини ёзиб ўтирганини кўриб қолди. Ўз асари устида ишлаётган Дюма романидаги қаҳрамонлар билан баланд овозда жанжаллашиб сўкишар, гоҳ эса думалаб-думалаб котиб кулар эди.

Андерсенга Вагнер, Шуман, Мендельсон, Россини ва Лист каби буюк ижодкорлар ўзларининг мусикий асарларини чалиб бердилар. Андерсен Листнинг асарларини тинглар экан, унинг ижодини “тор бўйлаб кўтарилигандар бўронлар руҳи” дея таърифлади.

Андерсен Лондонда Диккенс билан учрашди. Улар бир-бирига рўбарў келишганида Диккенс Андерсеннинг кўзига маъноли тикилиб турарди. Андерсен хам унга карашга ҳаракат килди, аммо буюк қалб сохиби Диккенснинг нигоҳларига дош беролмай, ҳаяжондан ийғлаб юборди.

Андерсен Диккенснинг денгиз бўйидаги шинамгина уйида меҳмонда бўлди. Ҳовли ташқарисида италиялик шарманка чалувчи тинмай хониш қиласар эди. Дераза ортида туша бошлаган ғира-ширалиқ ичра машъала ялтирас, денгиз бўйлаб шундоқкина уйнинг ёнидан эса Темзадан йўлга чиккан бесўнакай кемалар сузиб юрарди. Дарё кирғоклари узра чироклар худди торф ёнаётгандек товланар, дам Лондон заводлари, дам кемалар тузатиладиган корхоналар мўрисидан тутун буруқсиб турар эди.

— Бизнинг уйимиз болаларга тўла, — деди Диккенс Андерсенга. Сўнгра чапак чалган эди, буни кутиб турган ва Андерсеннинг ташрифидан кувончга тўлган ўғил-қизлари хонага югуриб киришди. Болалар севимли эртакчининг ажойиб хикоялари учун миннатдорчилик сифатида уни ачомлаб, ўпиб, атрофини ўраб олишди.

Андерсен ҳаётининг асосий қисмини Италияда ўтказди.

Рим кўплаб чет эллик ёзувчи ва рассомлар каби унинг ҳам иккинчи ватанига айланди.

Бир куни Андерсен дилижанс — йўловчи ташийдиган арава билан Италиянинг кўчалари бўйлаб кетиб борарди. Осмон чараклаган юлдузларга тўла, баҳор окшоми эди. Диличансга йўлдан бир тўда кишлиқ кизлари чикишди. Коронгулик оғушида аравадагилар бир-бирларининг юзларини кўролмасдилар. Аммо шунга карамай, бирпастдан кейин улар ўртасида кизғин

сұхбат бошланиб кетди. Тун шунчалик қоронғу әдіки, сұхбат давомида Андерсен қызларга қанчалар тикилмасин, уларнинг ҳар замон оппок бўлиб ялтираган тишларини кўролди холос.

Кызларга уларнинг ўзлари ҳақида хикоя сўзлай бошлади. Унинг хикоясида кызларнинг ҳар бири гўё ғаро-йиб эртаклардаги маликалар эдилар. Андерсенning таърифи бўйича кызларнинг ҳар бири ўзгача бир олам, гўзаллик ва латофат соҳибаси ҳамда ўз-ўзича баҳтиёр эдилар. Уларга сирли мовий кўзлари, хушбўй майин соchlари, қуюқ кипприклари ҳамда қирмизи, ғунча лабларини тасвирлаб, ажойиб эртак айтиб берди.

Қоронғулик оғушида қызлар тортиниб қулишар, ажойиб ҳамроҳнинг кўнгилни кўтарувчи ҳикоялари учун миннатдорчилик сифатида баъзиларининг кўз ёшлари ялтираганлиги ҳам сезилиб турарди.

Шу чоғ қызларнинг бири Андерсендан унинг ўзи ҳақида ҳам сўзлаб беришини сўраб колди.

Андерсен ўзининг чиройли эмаслигини биларди. Аммо айни дамда кызларга ўзини хушсуват, истараси иссик, қадди-комати келишган ва навқирон бир йигит этиб тасвирлай кетди.

Ва ниҳоят, оқшом янада коронғулик бағрига чўмган бир дамда йўл давомидаги бу ажойиб учрашув ҳам ниҳоясига етди. Арава шаҳарнинг сокин бир жойида, кызлар тушиши керак бўлган манзилда тўхтади. Улар аравадан тушишар экан, мўъжизавий нотаниш йўловчи билан ҳаяжон ичра, нозик ўпичлар олиб хайрлашишди.

Дилижанс йўлида давом этди. Арава ортида шувуллаган ўрмон, отларнинг пишқириғи, Италия осмонидан шундоққина пастда ёйилиб, ёғду сочиб турган юлдузлар манзарасидан Андерсен жуда баҳтиёр эди. Ҳаёти давомида эса бундай баҳтли ва завқли онларни хис кил-

ганлигини эслолмади. У йўл давомидаги кутилмаган бу каби ажойиб ходисалар ва бир лаҳзалик бўлса-да, ёқимли учрашувлар учун дилдан шукроналар келтирди.

Италия Андерсеннинг қалбини бутунлай забт этган эди. Тошлардан ясалган кўприклар, хароба уйларнинг мармар фасадлари, уйлар атрофи, хиёбонлардаги бир-бирига чирмашиб ўсаётган бетакрор манзарали кўм-кўк буталар, шуурингизни яна такрор гўзалликнинг сирли оламига тортиб, мафтун этувчи сув юзида барқ уриб очилиб ётган Венеция нилуфарлари, Латеран ҳайкали, куз хавоси узра Рим устидаги совуккон, сархуш жимиirlаб турувчи гумбазларни эркаловчи қуёшнинг илик нурлари, буларнинг барчаси Андерсеннинг қалбida Италияни гўё қайтадан яратган эди.

Андерсен 1875 йилда оламдан ўтди. Мен бу хикоям орқали Андерсеннинг ёзган асарлари ёки унинг шоир ва эртакчи эканлигидан бошқа сифатларини санаб ўтирамадим.

Буюк эртакчи Андерсеннинг ҳаёти асосан қийинчиликлар исканжасида ўтган бўлса-да, аммо у умрининг сўнгти лаҳзаларигача болаларга хос бўлган беғубор кўнгли билан ҳамоҳанг яшади. Бетакрор бадиҳагўйлиги, эртаклари орқали катта-ю кичикнинг қалбини забт этиб, уларнинг қалбини ҳис-туйғуларга тўлдириб, гўзал орзу-умидлар бахш этганлиги туфайли тақдир унга ўз ҳалқининг чинакам меҳру муҳаббатига эришиш, севимли инсонига айланиш саодатини насиб этди.

Ҳа, Андерсен камбағал оддий оиласдан етишиб чиққан ижодкор бўлса-да кироллар ҳам уни шарафлаб олкишлар, курукшаган қўлларини сикиб қўйишарди.

У оддий ҳалқ куйловчиси эди. Бутун ҳаёти давомида ўлмас, умри бокий санъатнинг ҳақиқий хазинаси, ҳақиқий манбаи факат ҳалқ шуурида эканлигини ва

бошқа хеч жойда топилмаслигини исбот этди. Қалбидаги буюк поэзияни эса ватанига бўлган чексиз муҳаббати рамзи сифатида худди бошқа жойларда учрамайдиган, Дания осмони бағрида ёйиладиган кенг, ёрқин камалаклар сингари рангин суратларда ифода этолди.

Адерсеннинг қабри узра доимо у севган оппок атиргуллар ястаниб, ранг-баранг камалаклар кенг осмон бағрига очилган зафар дарвозаси каби яраклаб турсин.

1995 йил

## КОР

Кария Потапов Татьяна Петровна унинг уйига келиб жойлашгандан сўнг, бир ой ўтиб вафот этди. Татьяна Петровна унинг уйида қизи Варъя ҳамда қари энага аёл билан ёлғиз қолди.

Учтагина хонадан иборат бўлган ушбу кичкина уй шаҳарчадан чиқиб кетаверишда, шимолий дарёнинг ёқасида, тоғнинг устида турарди. Уйнинг орқасида, айланасига ўраб олинган боғда қайинзор оқариб кўзга ташланиб турарди. Унда эрта тонгдан то кош корай-гунча зоғчалар чуғурлашиб, яланг чўккилар устида булатларга қараб ўрлаб, гўё ҳавонинг ўзгаришидан хабар бериб турарди.

Татьяна Петровна Москвадан келгандан бери ушбу овлоқ шаҳарчага, унинг пастқам уйчалари, ғичирлайдиган эшиклар, керосинли чироқдаги оловнинг ча-сирлаши эшитилиб турадиган хилват оқшомларга узок пайтгача кўниколмай кийналди.

“Қанчалар аҳмок эканман! – дея, ўйларди Татьяна Петровна. – Нега театрни, ўртокларимни ташлаб Москвадан кетдим! Варяни Пушкинодаги энагага олиб

борсам, ҳеч вако бўлмасди, ўзим эса Москвада қолишим керак эди. Эй, Худойим, қанчалар ахмокман-а!"

Бирок, энди Москвага қайтиб бўлмасди. Шунда Татьяна Петровна лазарет – ҳарбий қисмлар кошидаги касалхонага киришга қарор килди. Шахарчада бир нечта бундай касалхоналар борлигини ўйлаб, кўнгли таскин топди. Бир оз вақт ўтиб, шаҳарча ҳатто унга ёка бошлади. Айникса, киш келиб, атрофни кор қоплаган кезлар, кунлар юмшаб, окариб колди.

Дарё юзи анчагача музламади, унинг кўм-кўк тиник сувидан буғ кўтарилиб турарди.

Татьяна Петровна аста-секин бу шаҳарчага ҳам, мана шу бегона уйга ҳам ўрганиб қолди. Бу ерда турган сози бузилган роялга, бесўнакай соҳил мудофаа кемасининг тасвиirlари муҳрланган деворлардаги сарғай-иб кетган фотосуратларга ҳам кўниди. Қария Потапов қадимдан кема механизги бўлган. Хонадаги окариб кетган яшил мовутли ёзув столи устида ўзи сузган ҳарбий крейсер "Громобой"нинг модели турарди. Варянинг бу моделга тегишига асло рухсат берилмасди. Умуман олганда, бу ерда ҳеч нарсага тегишига рухсат йўқ эди.

Татьяна Петровна Потаповнинг хозирги пайтда Қора дengиз флотида хизмат қилаётган дengизчи ўғли борлигини биларди. Стол устидаги крейсер моделининг ёнида унинг гувоҳномаси турарди. Баъзан Татьяна Петровна уни кўлига олиб қарап, ингичка қошини чимириб ўйланиб қоларди. Чунки у йигитни қачонлардир, қаердадир учратгандек туйилаверарди. Аммо учратган бўлсаям жуда илгари, ҳали турмушга чиқмаган пайтлари, ҳа албатта, уни ўзининг омадсиз никоҳидан олдинроқ кўрган. Аммо, қаерда ва қачон учратган бўлиши мумкин?

Гувоҳномадаги суратдан жилмайибгина, хотиржам нигохи билан бокиб турган дengизчи йигит эса ҳар

доим ундан: “Нима бўлди, наҳотки, каерда учрашганимизни эслолмаётган бўлсангиз?”, деб сўраётгандек туйилар эди.

– Йўқ, эслолмаяпман, – деди, жимгина Татьяна Петровна.

– Ойи, ким билан гаплашяпсиз? – дея, сўради овозини кўтариб, кўшни хонадан Варя.

– Роял билан, – дея, кулиб жавоб берди Татьяна Петровна.

Кишнинг ўргаларига келиб Потаповнинг номига бир одамнинг кўли билан ёзилган хатлар кела бошлади. Татьяна Петровна уларни ёзув столининг устига тахлаб кўярди. Бир куни у тунда уйғониб кетди. Ташқаридаги кор ойнадан ялтираб фира-шира кўзга ташланиб турар, диваннинг устида эса, Потаповдан мерос бўлиб колган Архип лакабли кўкимтири кул ранг мушук хуриллаб ухлаб ётарди.

Татьяна Петровна эгнига халатини ташлаб олди-да, Потаповнинг хонасига кириб, деразага караб бир оз туриб қолди. Дарахт шохидан бир күнча овозини чикармай, корни қокиб, охистагина учиб кетди. Унинг оркасидан ёйилиб кетган кор заррачалари анча пайтгача сочилиб турди-да, дераза ойнасини қоплаб олди.

Татьяна Петровна стол устида турган шамни ёқди ва креслога ўтириб олиб, узок вакт кимир этмай, шамнинг липиллаб ёнишига тикилиб қолди. Сўнгра, стол устига тахлаб кўйилган хатлардан бирини олиб очди-да ўқий бошлади.

“Азизим, нуронийгинам! Мана бир ой бўлди, госпиталда ётибман. Ярам унчалик оғир эмас. Битиб бошлади ҳам. Худо ҳакки, факат сиз кўпам кайғураверманг, ҳадеб папирос кетидан папирос чакаверманг. Сиз-

дан ёлвориб сўрайман!”, деб ёзилган эди хатда. Татьяна Петровна яна ўкишда давом этди.

“Ота, мен сиз ҳақингизда кўп ўйлайман, уйимиз, шахарчамиз тез-тез ёдимга тушади. Хозир уларнинг ҳаммаси жуда ҳам олисда, ҳудди ер юзининг бир чеккасида қолиб кетгандек. Кўзларимни юмган заҳотим уйимиз, қадрдон жойлар кўз ўнгимдан ўтаверади. Мана, ҳозир ҳам гўё мен шундай эшикни очаяпману, боғимизга кириб бораяпман. Қиши, ҳамма ёқ оппок кор. Сайҳонликдан тепада, то эски шийпончагача борадиган йўлакча топ-тоза килиб кўйилган. Настарин буталарини эса ҳалиям киров босиб турибди. Хоналарда қайнин даражтининг хиди тарагиб, печлар гувуллаб ёниб турибди. Ва ниҳоят роял ҳам созланган. Сиз шамдонларда мен Ленинграддан олиб келган сариқ бурама шамларни ёкиб кўйгансиз. Роялнинг устида эса ўша “Пиковая дама” ва “Ватаннинг олис қирғоклари учун” романсларининг ноталари турибди. Айтганча, эшикнинг кўнғирокчалари ҳалиям жаранглайдими? Мен ўшанда уни созлаб улгурмагандим. Наҳотки, яна уларни қайта кўролсам? Наҳотки яна ўша йўл бўйидаги қудуғимиздан олинган сувда, кўздан ювинсам? Уларни сиз ҳам эслайсизми? Эҳ, агар билсангиз эди, мен уларнинг ҳаммасини мана шу узокларда туриб, севиб кўмсаётганимни! Сиз ҳайрон бўлманг, ота, мен буларни ўта жиддий айтяпман, буларнинг ҳаммасини урушнинг энг даҳшатли сонияларида ёдга олдим. Мен бу ерларда туриб, нафақат кенг ватанимизни парча жой – сиз, боғимиз, ўша жойлардаги тикка сочли болакайлар, анхор бўйидаги қайнизорларни ва ҳатто мушугимиз Архипни ҳам кўриқлаяпман. Илтимос, кулманг, бошингизни чайқаманг, отажон. Қайдам, балки госпиталдан чиқканимда бир оз муддатга уйга кетишига рухсат беришар. Янаям билмадим. Яхшиси кутманг”.

Татьяна Петровна анча пайтгача стол атрофида ўтириб, кўзларини катта-катта очганча, дераза ортида кўкимтири осмон бағридан секин оқариб отаётган тонгга караб, фронтдан якин кунларда уйга мана шу нотаниш одам келиб колса керак, деб ўйлади. Аммо у бу ерда бегоналарнинг туриши бошқа ҳамма нарсаларнинг кўриши у хоҳлаганидан мутлақо бошқача эканлиги унга жуда оғир ботса керак, дея ўйини давом эттириди.

Тонгда Татьяна Петровна Варяга тахта куракни олиб, шийпончага чикадиган йўлакни тозалаб қўйишини буюрди. Шийпонча жуда эскириб қолган, тахта устунлари хира тортиб, усти қавариб кетган эди. Татьяна Петровнанинг ўзи эса эшикда илиниб турган кўнғирокчаларни созлади. Унинг устида қўйидагича кулгили сўзлар куйиб ёзилган экан: “Мен илингган кўнғироқ – чала қолгин қувнокрок!” Татьяна Петровна кўнғироқчаларга теккан эди, у баланд жаранглаб кетди. Кўнғирокнинг бирданига кувнок жаранглаб кетганидан чўчиб тушган мушук Архип қулокларини кисиб олди-ю, ҳойнаҳой қандайдир сурбет бўлса керак, деган каби, норози караб кўйдию, даҳлиздан чикиб кетди.

Татьяна Петровна кундузи юzlари кизариб, шовкин солиб, ҳаяжондан кўзлари чараклаб, шаҳардаги бир цехдан керосин пиликли асбобларни, ҳайкал, қўғирчоклар, гармон ва роялларни созлайдиган уста чолни бошлаб келди. Созловчининг фамилияси жуда қизиқ, Невидаль, миллати эса чех экан. Уста чол роялни созлаб бўлгач, унинг қадимги аммо, жуда яхши эканлигини айтди. Буни Татьяна Петровнанинг ўзи ҳам яхши биларди.

Уста кетгач, Татьяна Петровна ёзув столи қутиларининг ичини эҳтиёткорлик билан кўздан кечира бошлади. Шу пайт қутиларнинг биридан бир даста қалин бурама шамларни топиб олди ва роял устида турган шамдонларга жойлаб кўйди. Кечга бориб шамларни ёқди, сўнг

роял ёнида ўтириди ва куй чала бошлади. Бутун уй тара-лаётган куйнинг жарангига тўлиб кетди.

Татьяна Петровна куй чалишдан тўхтаб, шамларни учирган эди, хона бўйлаб арча байрамидаги каби ёкимли тутун хиди тарапди.

Онасининг бу харакатларини кузатиб турган Варя чидаб туролмай:

– Нега бирорнинг нарсасига тегинаяпсиз? – деди, у Татьяна Петровнага. – Менга рухсат бермасдан, ўзингиз ҳамма нарсаларга, қўнғирокчалар, шамларга ҳам тегдингиз. Бегона ноталарни олиб, роял устига кўйдингиз.

– Менга мумкин, ченки мен каттаман, – дея, жавоб берди Татьяна Петровна.

Варя хўмрайиб, ишонқирамай унга қаради. Айни пайтда Татьяна Петровна ёши катталарга ҳечам ўхшамасди, аксинча у яйраб-яшнаб, билур туфлисини шоҳ саройида йўқотиб кўйган эртакдаги тилла сочли қизга ўхшаб кетарди. Бу эртакни хам Варяга Татьяна Петровна сўзлаб берганди.

Поезднинг ўзидаёқ лейтенант Николай Потапов отасининг уйида бир суткадан кўп коломаслигини чамалаб кўйди. Чунки, унга берилган таътил жуда киска бўлиб, унинг хам кўпроқ кисми йўлга сарф бўлди.

Поезд кундузи шаҳарчага етиб келди. Лейтенант вокзалнинг ўзидаёқ унга таниш бўлган станция бошлиғидан бир ой аввал отаси вафот этганлигини ва уларнинг уйига Москвадан келган ёшгина хонанда бир аёл қизи билан яшаб турганлиги ҳакида билиб олди.

– Улар эвакуация килинган, – деди, бекат бошлиғи. Бу хабарни эшигтан Потапов жимгина ойна ортидан паҳтали кийимда, кигиз этик кийиб олган, кўлларида чойнак кўтариб югуриб ўтиб кетаётган йўловчиларга тикилиб колди. Унинг боши айланиб кетди.

— Ҳа, деди бекат бошлиғи, — у жуда самимий, яхши инсон эди. Афуски, унга ўғли билан кўришиш насиб килмаган экан.

— Поезд качон ортга қайтади, — сўради, Потапов.

— Кечки пайт, соат бешда, — дея, жавоб қилди бекат бошлиғи, бирпас жим турдию, сўнг, — Сиз менинг уйимда қолақолинг. Кампирим сизга чой дамлаб беради, корнингизни тўклиб оласиз. Уйингизга шошилишга не ҳожат.

— Раҳмат, — деб жавоб берди Потапов ва у ердан чиқиб кетди.

Бошлиқ унинг кетидан бошини қимирлатганча қараб колди.

Потапов шаҳар орқали чиқиб, дарё бўйига келди. Унинг устида зангори осмон кенглиги ёйилиб, осмон билан ер орасида қиялатиб сийрак кор ёғарди. Четига гўнг тўшалган йўл бўйлаб зоғчалар учеб-кўниб юришибди. Қош корая бошлади. Дарёning ўрмон тарафидаги қирғоғидан эсган шамол, унинг кўз ёшларини учира бошлади.

“Нима бўлганда ҳам, кечикдим, — деди, Потапов, — Энди бу шаҳар ҳам, мана бу дарё, ҳатто уйимиз ҳам менга худди бегонадек”.

У ҳамма ёқка разм солди, шаҳардан нари жарлик томонга тикилди. У ерда кировга бурканган боғ, унинг адоғида корая бошлаган уйи турарди. Уйнинг мўрисидан тутун чиқаётган эди. Шамол эса тутунни қайнизор томон учириб кетаётган эди.

Потапов аста-секин кадам ташлаб, уй томонга юра бошлади. У шундай, уйнинг олдидан ўтиб, ичкарига кирмасдан, боғ томонга ўтиб, бир қарамоққа, эски шийпонча тагида бирпас турмокқа қарор килди. Энди ота уйида унга аҳамияти йўқ, мутлақо бегона бўлган одамлар яшаётганлигини ва бу холатга токат қилолмаслигини хаёлидан ўтказди, тасаввур қилди. Ундан кўра, ҳеч

нарсани кўрмай, юракни ҳам қийнамай, бу ердан олисларга кетиб, эски хотираларни унутиш керак!

“Ана шундай, кундан-кунга улғайиб бораверасан, борган сари атрофга жиддий кааркансан, – дея, кўнглидан ўтказди Потапов”.

Потапов қош қорайгандага уйи яқинига келди. Секингина боғча эшигини очмокчи бўлди, аммо у барибир фичирлаб кетди. Унинг овозидан боғ ҳам худди сесканаб кетгандек бўлди гўё. Новдалар шохидан шитирлаб кор тушди. Шу пайт шийпончага борадиган йўлакнинг топ-тоза қилиб кўйилганига разм солди. Потапов шийпончага кириб борди ва қўлини эски суюнчикқа қўйганча, артофни кузата бошлади. Узокдан, ўрмон ортида, осмон бағри хира ним пушти рангда кўзга ташланиб турарди, балки булутлар орқасидан ой кўтарилаётгандир. Бирпастдан сўнг Потапов фуражкасини ечди ва сочини қўли билан силади. Атроф жимжит эди, факат пастроқда, тоғ этагида қўлларига бўш челак олиб, музлаб ётган дарё юзининг ёрилган жойидан сув олишга кетаётган аёлларнинг шовкини эшитилиб турарди.

– Бу ёғи қандай бўлди-я? – деди, ўзига-ўзи аста шивирлаб, суюнчикқа тирсагини тираб олган Потапов.

Шу пайт кимдир унинг елкасига охиста туртгандек бўлди. У орқасига ўгирилиб қаради. Унинг ортида оппок юзли, чехраси жиддий, бошига иссик рўмол ўраб олган ёшгина аёл турарди. У корамтири, синчков кўзлари билан жимгина Потаповга қааради. Унинг киприклиари ва яноғидан дарахт шохларидан келиб тушган кор эриб тушарди.

– Фуражкангизни кийиб олинг, шамоллаб қоласиз, – дея, охиста гап бошлади, у аёл, – юринг, уйга кирамиз. Бу ерда туришнинг кераги йўқ.

Потапов нима килишини билмай, турган жойида индамай қараб колди. Шунда аёл унинг енгидан ушлаб, тоза-

лаб, кураб кўйилган йўлак бўйлаб уйга бошлади. Потапов эшикдан кираверишга келди, касали кўзиб, томоғи сикилиб қолганидан, нафас ололмай, туриб қолди. Шунда аёл:

— Ҳечкиси йўқ. Илтимос, сиз мендан уялманг. Ҳозир ўтиб кетади, — деди, яна оҳиста оҳангда.

У оёқ кийими устидаги қорни тушириш учун оёғини ерга уриб қоқа бошлади. Шу пайт эшикнинг устидаги кўнғирокчалар жаранглаб кетди. Шунда Потапов чукур нафас олиб, ўзини ўнглади.

Потапов нимагадир хижолат тортиб, ичкарига кирди. Уйнинг кираверишида шинелини ечиб қолдирди. Уй ичидан енгилгина кайн тутунининг иси келиб турарди. Шунда кўзи ногоҳ Архипга тушди. Архип диванда эснаб ўтирган эди. Диван олдида эса сочи ўрилган бир кизча кувнок кўзлари билан Потаповга қараб турарди, тўғрироғи, унинг юзига эмас, енгининг устидаги зардўзи каштасига қараётган эди.

— Юринг! — дея, уни ошхонага бошлади Татьяна Петровна.

У ерда кўзада кудукдан келтирилган муздек сув турарди. Каштасига эман баргларининг сурати тикилган таниш сочиқ эса илиб кўйилган эди.

Шунда Татьяна Петровна хонадан чиқиб кетди. Орқасидан кизча келиб, Потаповнинг қўлига совун тутди ва унинг кителини ечиб, ювенишини томоша қилиб турди. Потапов ҳали ҳам хижолатдан тортиниб турганди.

— Сенинг онанг ким бўлади? — деб, кизчани саволга тутди, ўзи эса кизарив кетди.

Бу саволни аслида, у шунчаки, кизча билан нимадир сўзлашиб учун берган эди, холос.

— У каттаман, деб ўйлайди, — дея, сирли шивирлади кизча. — Лекин у мутлако катта эмас, мендан ҳам баттар кичик қизчаларга ўхшаб кетади.

— Нега? — сўради Потапов.

Лекин кизча жавоб бериш ўрнига, кулганича, ошхондан кочиб чикиб кетди.

Потапов кечаси билан ўзини енгил, аммо ўта таъсирчан туш ичида юргандек сезди ва бу ғаройиб хиссиёт уни хеч тарк этмади. Уйда хамма нарса у тасаввурида кўришни орзу килиб, кутганидек эди. Худди ўйлаганидек, ноталар роялнинг устида ётибди, роялнинг устида ўша бурама шамлар чисирлаб отасининг кичкинагина хонасини ёритиб туарди. Ҳатто, стол устида унинг госпиталдан юборган хатлари – ўша-ўша, ҳар доим, худди отаси уларни тахлаб, устидан кўйиб кўядиган компас хам жойида туарди.

Чой ичиб бўлишганларидан сўнг, Татьяна Петровна Потаповни дарахтзор ортига, отасининг кабрига бошлаб борди. Туманли ой юқорига кўтарилиб улгурган эди. Унинг нурларида қайнилар енгил ялтираб, кор юзига майин соя ташлаб туарди.

Сўнг кеч тунда Татьяна Петровна роялнинг олдиди ўтириб, оҳиста клавишларни териб, Потаповга ўгирилиб қаради ва:

– Назаримда, мен сизни аввал қаердадир кўргандекман, – деди.

– Ҳа, бўлиши мумкин, – деб жавоб берди Потапов.

Сўнгра Потапов унга назар ташлади. Ён томондан тушган шамнинг ёруғи унинг ярим юзини ёритиб туарди. Потапов ўрнидан туриб, уйнинг бошқа бурчагига ўтиб, турди.

– Йўқ, эслолмаяпман, – деди, бўғик овозда.

Татьяна Петровна ўгирилиб, чўчиб унга қаради, аммо, бошқа хеч нарса демади.

Потаповга шу хонадаги диванга жой қилиб беришлиди, лекин ухлолмай чиқди. Бу уйдаги ҳар бир дақиқа унинг учун жуда қимматли эди ва у буни йўқотиб кўйишидан кўркаётган эди.

У ётган жойида Архипнинг ўғринча юргани, соатнинг чиқиллаган овози, Татьяна Петровнанинг шивирлашларига қулоқ тутиб ётди. У ёпик турган эшикнинг ортида энага билан алланималарни гаплашишди. Кейин овозлари тиниб, энага чиқиб кетди, лекин эшикнинг тагига тушиб турган ёруғликнинг чизифи сўнмади. Потапов китоб варакларининг шифирлаб очилаётганини эшитиб турарди, – Татьяна Петровна китоб ўкиётган бўлса керак, деб ўйлади Потапов, чунки у Потаповни поездга чиқишга уйғотиш учун бугун ухламайди. У Татьяна Петровнага ўзининг ҳам уйғок эканлигини айтгиси келди, аммо, индамай қўяқолди.

Соат тўрт бўлганда Татьяна Петровна эшикни секин очиб, Потаповни чакирди. У ўрнидан кўзғалди.

– Вақт бўлди, туришингиз керак, аммо, сизни уйғотишига кўзим қиймаяпти! – деди, у.

Татьяна Петровна Потаповни поезд бекатига шаҳар оқшоми узра кузатиб қўйди. Иккинчи кўнғироқдан сўнг улар хайрлашишди. Татьяна Петровна Потаповга икки кўлини узатганча:

– Хат ёзиб туринг. Энди бизлар сиз билан қариндошлармиз. Тўғрими? – деди.

Унга жавобан Потапов ҳеч нарса демади, шунчаки бошини кимирлатиб қўйди. Бир неча кундан сўнг эса Татьяна Петровна Потаповдан йўл давомида ёзилган хат олди.

“Мен албатта каерда учрашганимизни эслаган эдим, – деб ёзган эди Потапов, – лекин бу ҳақда у ерда, уйда айтгим келмади. Крим эсингиздами, йигирма еттинчи йилнинг кузи. Ливадийск истироҳат боғидаги эски чинорлар. Хирадашган осмон, оқарган денгиз. Мен ёлғизоёқ йўл бўйлаб Ореанд томонга юриб борардим. Йўл яқинидаги ўриндикда бир киз ўтиради. Унинг ёши тахминан ўн олтиларда эди. У мени қўргани ҳамоно

ўрнидан туриб менга караб юриб кела бошлади. Биз бир-биrimizga якин келганды, мен унга қарадым. У қўлига очик китобни ушлаб олганча, чақкон ва тез юриб ўтиб кетди. Шунда мен тўхтаб, унинг кетидан анчагача қўзимни ололмай турдим. У қиз сиз эдингиз. Ҳа, мен адашмаяпман. Мен изингиздан караб, ҳозиргина менинг олдимдан бутун хаётимни ағдар-тўнтар килиб ёки менга улкан баҳт ато эта оладиган аёл ўтиб кетганини қалбан хис килгандим. Мен у аёлни ўзимдан бутунлай кечиб, бор вужудим билан севиб колишим мумкинлигини тушуниб етгандим. Мен ўша пайтнинг ўзидаёк нима бўлишидан қатъи назар сизни излаб топишим кераклигини билардим. Ўша дамда қалбимдан шундай ўйлар кечди-ю, лекин турган жойимда тек қотиб, жилолмай қолдим. Негалигини ҳозиргача билмайман. Ўшандан кейин мен сизни бир зум кўриб ва бутунлай йўқотиб қўйган жойларим: Кримни ва ўша сўқмокни яхши кўриб қолганман. Лекин ҳаёт менга шафқат килди ва мен сизни қайта учратдим. Агар ҳаммаси бутунлай яхши бўлиб якун топса, сизга менинг ҳаётим керак бўлса, албатта у сизники бўлади. Ҳа, мен отамнинг столи устида ўзимнинг ёзган хатимни топиб олдим. Мен ҳаммасини тушундим ва олислардан туриб сиздан жуда миннатдорлигимни изҳор қилмоқчиман”.

Татьяна Петровна хатни четга кўйиб, ўзининг ҳорғин кўзлари билан ойнадан кўзга ташланиб турган опоқ қорга бурканган боғга қараб:

— Ё, Парвардигор, мен ҳеч қачон Кримда бўлмаганман! Ҳеч қачон! Лекин энди бунинг нима аҳамияти бор? Ёки аслида ундан эмаслигига уни ва ё ўзимни ишонтириш керакмикин?

У кулиб юборди ва юзини кўллари билан беркитди. Дераза ортида эса хира тортган оқшом сира сўнмай, кор бағрида ёришиб тураверди.

## МУНДАРИЖА

*Александр Куприн*

Миннатли нон.....	3
Настарин бутаси.....	12
Сабур .....	21
Брегет .....	30
<i>Константин Паустовский</i>	
Акварель бүёклари .....	44
Ок күёнлар .....	56
Эртакчи .....	62
Кор.....	86

*Адабий-бадиий нашр*

Александр Куприн  
Константин Паустовский

## НАСТАРИН БУТАСИ

Мухаррир Гүзәл Матёкубова  
Бадиий мухаррир Шұхрат Мирфаёзов  
Техник мухаррир Хосият Ҳасанова  
Мусаххих Доно Түйчиева  
Компьютерда сахифаловчи Зилола Алиева



15'300c



ISBN 978-9943-5294-4-1

9 789943 529441